


MISYOBO YOTATWE

YA BASYOMI

 Atu kotamike mitwe yesu. A mitwe yesu kiikoteme, a myoyo yesu, Nda libuzya na mbangaye bayanda kwiibalukwa mu mupailo, uyo nyamuna buyo janza lyako mujulu, kwaamba, “Mwami, kondi yeeya, O Mwami.” Kuli nkumbizyo zinji awa, tutambala tubikkidwe aa desiki.

² Oyandwa Taata Wakujulu, twa bungana alubo mangolezya aya kungsi lya ciluli eci, oko Nko katu swaana ziindi zinji loko, alimwi watondezya luyandisyo Lwako kuli ndiswe; mbuli mbo tusola mu nzila yesu ibombede kutondezya luyando lwasu a kulumba kuli Nduwe, kuli ezyo Nzyo katucitila. Elyo sunumasu twa boola alubo, Mwami, mbuli bantu babulide, nkambo tuli mukubula Nduwe lyonse. Elyo kufumbwa kuti katuli ano aa nyika, tu lizi kuti oko kuyooaba kukwiila, nkambo tuli mu nkondo. Elyo tuli . . . I nkondo ila bijilwa, alimwi Wa kasyomezya a kwaamba obo sinkondo mbwakali kuyooaba mbuli mulavu uvuluma. Ula angululwa akati ka bantu, alimwi tuli konzya kucibona koonse, mbuli mulavu uvuluka kaluma kufumbwa nca konzya, nkaambo uli zyi kuti ciindi cakwe ncisyoonto. Pele tu jisi—tu jisi ii—ii Taata oyo uubamba bana bakwe, alimwi kuli Nduwe nkutu cijila antomwe ankumbizyo zyesu, sunumasiku, Mwami. Twa lombamba kuti Uyo bapa.

³ Elyo tutambala otu tubikkidwe awa, Taata, caamba kuti kuli bantu baciswa kubusena bumwi mu cisi, alimwi oko nkwiitwa a ku Ku yanda, a kusyoma aali Nduwe, ku sungilizya lusyomo lwabo awa kuti tume tutambala otu. Leza, kopa kuti umwi aumwi wabo aponesegwe.

⁴ Tula bona nguzu Zyako zipati, Mwami, ziindi buyo zisyoonto zyainda omuya mu kaanda ako, kuboozezya kwiibaluka kulondokede ku mulombe oyo waka sweeka. Tula bona nguzu Zyako zipati, ciindi a ciindi, kabweenda malwazi a kuyubununa maseseke aa moyo, a kutondezya bantu, akubabikka mu ncililano itonkomene. Twa Ku lumba, Mwami Leza, nkaambo eco cilaindilila ku muntu uli oonse. Eco cila indilila ku cintu cili coonse eco umwi wesu ncanga waziba, nzila Mbo konzya kuyubununa kaambo nkakonya, a ceeco nco cakacita, aboobo mbo cibede. Oyo Nduwe, Taata. Elyo tu lizi, kuti, “I Ijwi lilayandaula moyo, alimwi mbuli Sikutweluka wa miyeeyo a makanze aa moyo,” aboobo twa Ku lumba kuli ceeci.

⁵ Elyo lino, Mwami, tula syoma kuti bantu lino, a mitwe yabo kiikoteme, bayeeya aa zintu ezi, alimwi walo Muuya

Uusalala uukanana kuli mbabo. Elyo kopa kuti umwi aumwi wa nkumbizyo zyabo aingulwe. Vuna bala buvune, Mwami, sunumasiku. I basweekede, akube kuti banjile a kufutulwa.

⁶ Tuli lumbide kapati kubona oko kulundikwa kupati looko kwa zisani alya, mukuziba kuti cuumbwe caka julwa; alimwi zibi zya muntu mukulukulu zya kazikkwa, ku banji babo. Elyo Nda Ku lumba kuli ncico, Taata. Alimwi akube kuti beende mu bupya bwa Buumi, mazuba abo oonse. Kwiinda mu Zina lya Jesu Kristo, twa cilomba. Ameni.

⁷ I Mwami aku longezeye, kopa nkumbizyo eyo njo kajisi ku moyo wako kuti uvwiilwe.

⁸ Lino, Nda syoma kuti Billy waamba kuti Mukwesu Wheeler wajisi muvwanda muniini. Sa mbo mbubo? Sena Nda kalubizya alya, ku kutuulwa, na cintucimwi cimbi, na kutuula? [Mukwesu Neville waamba, “Nda syoma kwakali bavwanda botatwe na bone.”—Mul.] Ncibotu. Ikuti na uyanda kubaleta kutala lino, inga twa kkomana; ikuti na baalu bayo boola kumbele, kubikka maanza aa balombwana baniini, ku mulimo wa kutuula. Elyo tula sola kwaamba mu bufwaawi. Elyo tu yanda bana aba baniini, abo bayanda kuboola ku Mwami Jesu, bayanda kuleta tubanda twabo—twabo tuniini oto Leza ntwapa. Lyoonse tu sola ku bamba nzila ya nzizyo, nkaambo ta tuzi eco juunza nco bujisi.

⁹ Baama bakali kundaambila kuti, “Uta sunzyi, juunza, eco cikonzya kucitwa sunu.” Mbo mbubo, nkaambo tozyi eco juunza nco bujisi, pele tu lizi kuti Oyo ujisi bwa juunza. Eco ncibeela cipati. Tu lizi Oyo ujisi juunza.

¹⁰ Mukwesu Wheeler, Mwami Leza aku longezeye. Elyo oyu ngu Mucizi Wheeler. Ndili kkomene ncobeni ku muswaana. Elyo Nda. . . coolwe cangu cilemu, ciindi citaanzi, Nda syoma, mbuli mbo Ndi zyi, ku muswaana. Elyo oyu muvwanda wako. Nguni zina lyakwe? [Mucizi Wheeler waamba, “Carlena Rebecca.”—Mul.] Carlena Rebecca. Ee, ino musimbi muniini mubotu, weebeka mbuli mbwa konzya. Lino, muniini Carlena Rebecca Wheeler.

¹¹ Mukwesu Wheeler nguumwi wa bamadaikona besu omuno mu mbungano, alimwi Leza waka longezya lukamantano lwabo, kuli oyu muniini. Nda syoma muli jisi, kujatikizya, Ndi lizi, basimbi bobilo bambi, sa tamuciti? [Mukwesu Wheeler waamba, “Botatwe.”—Mul.] Basimbi bamwi bambi. abalo mbalindu babotu loko, mbuli Mbwe mva, elyo aboobo Nda lombwa kuti Leza uyobamab Rebecca obo mbuli bamwi. Mwabona? Elyo mpawo oko kuyooaba kukkutula a ndinywe nyoonse, sa taciciti? Mbo mbubo, nkaambo mbana babotu loko.

¹² Ta ndizi na uyo ndilekela ku mujata na pe, pele, ikuti na taciti, tuyo bikka maanza ali nguwe. Sa inga wayanda kuboola

awa kuli ndime Rebecca? Sa uynada kuti ndiku jatilile? Eco cili kabotu loko. Ino musimbi muniini weebeka!

Lino atu kotamike mitwe yesu.

¹³ Taata Wakujulu Siluzyalo, mbuli mbo twiima awa kumbele lya daikona oyu, sunumasiku; elyo ncobeni mulimo mubotu ngwa jisi, nkambo daikona weedelede kujanwa katakwe kampenda, mulumi wa mukaintu omwe, kayendelezya mukwasyi wakwe kuba kabotu. Nkambo, ikuti na tazi mbo kweendelezegwa mukwasyi wakwe, mbobuti mbwa konzya kweendelezya ng'anda ya Leza? Elyo twa Ku lumba kuti oyu mukwesu wa kkwanya zyelelo ezi, alimwi tu jana muli nguwe Muuya wa Leza.

¹⁴ Elyo lino waleta mwana wakwe musimbi awa, kuti atuulwe. Mwa cibikka mu maboko abo ku kubuka. Leza, a nzila mbo tulumbide, kuti inga twaamba, kuyandisya kwabo nkuti uyo ba mbuli bamwi bacizi bakwe. Kopa, Taata, kuti eci ciyooba boobo. Alimwi akube kuti mwana apone a—a kuba mulimo mupati kuli Nduwe, Taata. Elyo lino, mu Zina lya Jesu Kristo, twapa muvwanda oyu kuli Nduwe ku buumi bwa mulimo. Kumubamba kuba wanseba mbotu, muyumu; akube kuti apone buumi bulamfu loko, kusikila Jesu akaboole, ikuti na eco cilakonzeka. Elyo mpawo, Taata, tula syoma kuti uyo komezegwa mu lulayo lwa Kristo. Elyo twa mupa buumi bwakwe kuli Nduwe, ku buumi bwa mulimo. Amen.

¹⁵ Leza aku longezye, Rebecca. Alimwi Leza amu longezye, Mukwesu Wheeler a Mucizi Wheeler. I Mwami abe a ndinywe.

¹⁶ Wapona buti? Lino ngooyu musimbi umbi muniini a kumwetamweta kupati ku busyu bwakwe. Elyo zina lyakwe nguni? [I banyina bati, “Rhonda Renee Coats.”—Mul.] Rhonda Renee Coats, sa mbo mbubo? Sena kuli cibbululu cimwi kuli Jesse a bamwi, Jesse Coats? [“Peepe.”] Nda yeeya buyo. . . Nda kali bazyi bamwi bana Coats omuno mu tauni. Nda kali bazyi kabotu, alimwi kali—kali beenzuma bangu kwa—kwa ciindi cilamfu.

¹⁷ Rhonda, Rhonda Renee. Ndalibuzya na inga waboola kuli ndime, Rhonda? Ndiyo—Ndiyo mupa kujoka nkoonya kuli banyoko, kufumbwa buyo twa mupa ku Mwami Jesu. Lino, sena tali mubotu!

Lino atu kotamike mitwe yesu.

¹⁸ Taata Wakujulu, mbuli mwaalu Wako a Ndime mbo baimikila antoomwe sunumasiku, mu kuzuminana a mu lumvwano mu Makanimabotu, oyu mutumbu waleta oyu muniini Rhonda Renee kuli Nduwe kuti atuulwe. Wa kamubikka mu maboko akwe, ku kumamela a cintu citaanzi nca konzya kucita ku mutuula kujoka kuli Nduwe. Mbuli Jobu mbwa kaamba wakaindi, Mwami wakapa zintu ezi. Elyo twa lomba, Leza, kuti Uyo mubamba kabotu kusikal oora Wa kumutola.

Elyo, Leza, kopa kuti apone buumi bwa Bunakristo bwini a kuba mukozyanyo kuli bamwi, mbuli mbwa boola. Longezya muunzi wakwe, alimwi akube kuti atuulwe kuli Nduwe, mulimo uuzwide, a myoyo ya bwini. Elyo lino, Leza, twapa kuli Nduwe Rhonda Renee Coats muniini, mu Zina lya Jesu Kristo, ku buumi bwa mulimo. Amenii.

Mubotu loko! Leza aku longeze, mucizi.

¹⁹ Wapona buti! [I mucizi wati, “Robert Paul Schamel.”—Mul.] Robert Paul Shane? [“Schamel.”] Schamel.

²⁰ Ee, ino kuti . . . Elyo ucibaanga uli musyoonto, Nse syomi kuti ina wabusya kukwankwana kujatikizya nkuko. Muta ndiseka mbuli boobo. Amulange awa, ikuti na muyanda cintucimwi ca kuseka. Robert Paul, ino ndi zina bbotu!

Atu kotamike mitwe yesu.

²¹ Leza, mbuli musimbi oyu mukubusyi mbwa boola awa; buyo, kuli ndiswe, inga waba mwana. Elyo uli mukumupa mwana mulombe muniini, O Leza, mbuli buumi bwa mulimo kuli Nduwe. Walo mucelo a citobela ku luswaanano lwabo. Nda komba, Leza, mbuli mwaalu Wako a Ndime kubikka maanza aa mulombwana oyu muniini, kuti buumi bwakwe buyo tuulwa kuli Nduwe. Kopa, Mwami, ikuti na kuli bwe juunza, akube kuti akabweze Mulombe oyo bazyali bakwe—bakwe ngo baswiilila, Leza. Ko cipa. Elyo Nda komba kuti Uyo longezya maanda abo, alimwi akube kuti mwana akome mu lulayo lwa Leza, alimwi uyooba i—i sikwiya Wako. Twa mupa kuli Nduwe mu Zina lya Jesu Kristo. Amenii.

²² Ee, walo—walo mulombe mubotu ncobeni. Kwa mana. Iiyi, munene. Kutakonzya kulomba cintu cibotu kapatii, inga wacita? Taakwe cintu mu inyika cikonzya kuba cibotu loko, mbo mbubo, kwiinda oyo muntu muniini. Kumwetamweta konse! Eco ncibotu na?

²³ Eco nce ciindi mukaintu wangu nca nyomenena ncito yangu, kujatilila abo bavwanda. Ula yandisya kuba jatilila. Elyo Nda cita, ambebo, pele lyoonse Nda yoowa kuti Ndiyo batyola. Bali obo, nywebo mulizi, babobeka kuuba akubota cakukwelelezya loko, pele, nywebo mulizi, balo—balu bayumu ncobeni kwinda mbo tunga twaba.

²⁴ Lino, Nda mwaambila kuti Ndiyo zwa . . . Ee, Ndi jisi buyo maminiti ali makumi otatwe aosanwe. Ndiyo bindaana, embo na? Atu bone. Nse—Nse—Nse kanzi ku—ku kutamvwisya kabotu kufumbwa cintu, na kwaamba cimwi cilubide, pele Ndiyo sola canguzu loko, nkaambo . . . Nywebo mulizi, twa mana kusika atala i—i mugwagwa, ta tuli—ta tuli banyanyaala mbuli mbo twa kabede, nywebo mulizi. Mamaile ziindizimwi alayuma, alimwi kuswaangana kobilo na kotatwe abuzuba, baa . . .

25 Elyo ino cibeela cipati, nzitondezyo ezyo. Kukambaula takundi cisi. Ma, Ndila konzya kwiimikila awa buzuba bonse, takundi penzyi, pele Ndi. . . Pele ezyo zilengaano buyo, alimwi cindi bantu nobali ku miswaangano eyi yakubuzanyanya kwakumbali, obo mbo beelede kuba. Mwabona? Nco bali waano. Ncintu cimwi cita konzyi kubambwa kwinda kukubikka maanza. Nde elede kuziba muyanda, kutalika kwa ncico, ncinzi cicitya, ncinzi cakacicita, alimwi mpawo eco cakucita kuti cigusigwe. Eco ncencico ncobali waano.

26 Lino, muswaangano ula talika, buzuba kwainda juunza masiku. . . na, peepe, Amu ndijatile, ngu Bwatatu masiku, ku Shreveport, Louisiana. Alimwi ikuti na umwi wanu ijisi beenzinyina beengelede omuno, baambile ba boole. Life Tabernacle, Ndi yeeya kuti, oko nko—ca katalika, cita kuti caba kutala lya auditoriamu, ikuti na inga bakonzya kujana eyo, eyo ibapa busena buniini bumbi bwa kukkala. Pele bali jisi bbalukkoni amatantilo, a cibuye cipati, elyo mpawo cibuye kungsi lya ceeco. Aboobo, Nse zyi kabotu kuti na mbangaye bakonzya kukkla, pele cili. . . Ikuti na caba cibyaabi loko, ndiza inga twa jana buyake bupati koonse kuzwa kuli mbubo, obo buyo. . . Nse zyi na bali bongaye mboikonzya kukkazika, akwalo. Nda kali jisi miswaangano okuya, pele Nse yeeyi. Oyu walo ii—muswaangano wabaiminzi ucitika amwaka.

27 Myaka yotatwe yakainda Nda kali kunselelo kuya, elyo twa katalika lubukulusy, mu Zina lya Mwami, nkabela tii lwaka mana pe, kuzwa eelyo. Kuzumanana buyo kweenda, kuzumanana buyo; a buzuba, bantu kabasika, kaba futulwa, kababbizigwa, a kuzumanana a Mwami mbuli boobo, bakutausi a zintuzyonse kaziboola moonya mukati. Elyo tu buyo. . . Kufumbwa kuti cazumanana mbuli boobo, elyo Nda konzya kukkala okuno, Ndi yanda ku ciswana ciindi coonse, a kubikka buyo mu majwi angu masyoonto a—a kuzumanana.

28 Lino, oko kuya kutalika Bwatata, a kugola Munsondo. Kalimbabula ka Bantu Basimakwebo Banakristo nka. . . Ta ndi. . . luba zina lya motelo eyo. . . Ndila syoma ngu. . . itegwa. . . Ba, bayo kwaambila cindi wasika kuya. Nkalimbabula ka basimakwebo.

29 Kajisi ciindi cipati okuya, kuli ndinywe basimakwebo awa, ciindi camamanino okuya. I Mwami waka futula ii—ii rabi, kuzwa mu munzi. Elyo, oh, Ta ndizi coonse cicitika. Cakali ciindi cilemu mu Mwami, okuya, kukambauka aa Cizuminano ca Bulowa. Aboobo swebo. . . Eco ncobazi bama Juda; bwalo mbulowa. “Kakutakwe kutilwa kwa bulowa, takukwe kujatilwa,” nywebo mwabona.

30 Lino atu lulamike nkoonya ku Ijwi, elyo Ndiyo cita kuyandika kwangu maningi kubamba ijwi lyangu kuli ndinywe.

³¹ Elyo lino, ikuti na Mwami wayanda eno, Munsondo yamana Krisimasi, ikuti na muli mu mazuba aanu akupumuna a kweenzya koonse, taili kabotu loko a zintuzyonse, baa, nkoli—nkoli awa muni, baa, koswaya. Elyo tu kanza kuba a kuswaangana okuno cifumo Munsondo, ca—ca—ca Munsondo kwamana Krisimasi. Ino mbuzuba nzi mpawo? [Muntu umwi wati, “Twenti-naini.”—Mul.] Twenti naini, buzuba bwa tweenti naini, nkabela omo Munsondo kwaakumana Krisimasi, buzuba bwa tweenti naini. Lino, ikuti na cimwi cacitika kutu twa, sintucimwi, ta tukaciti, elyo tatukonzyi kuba okuno . . . Ta tuzyi makani aciindi ciciza, nywebo mulizi. Pele ikuti cimwi cacitika, baa, nywebo nomu takkali mu tauni, abo basika, mbuli bantu bazwa kumusanza mu Memphis . . .

³² Ndali kuyanda kumvwa Mukwesu Ungen kaimba *Obo Mboli Mulemu*. Alimwi ta ndi . . . Sena mpali sunumasiku?

³³ Elyo, aboobo, alimwi Ndi jisi zintu zinji loko lyoonse, Nse konzyi kuzicita zyonse, konzyi kuzi cita zyonse. Leza aku longezye, nywebo nobantu.

³⁴ Lino atu jule mu Magwalo lino ku kubala buyo i—i kuniini kwa Lugwalo. Awo, ikuti na majwi angu akakilwa, Eci ta cikaciti. Elyo mpawo Leza uyo mulongezya kukkala, ku kaambo buyo ka kuswiilila ku Ijwi Lyakwe. “Lusyomo lulaboola ku kumvwa, kumvwa Ijwi lya Leza.” Sa mbo mbubo? Lino mbuli Mbwe kali kuyeeya . . . Kuciindi, ujula ku Musalali Johane cipati ca 6, kutalikila kampango ka 60, a kubala ka 71, kusanganya. Musalali Johane 6:60.

³⁵ Lino Nda kali kuyeeya, mbuli Mbwe kali kulanga anze mpulungwido kaindi kainda, a kulanga bubambe bwa zuba a kubona obo bulenge boonse mbo buli jisi mulao. Elyo cindi camapeyo casika, mulao, cakuli citikila, wa bulenge, uselusya musinza mu miyanda ya samu. Ula zikka.

³⁶ Mbuli Jobu mbwa kaamba, “Oh, kuti inga Wa ndisisa mu cuumbwe, kuti Uyo ndibamba mu busena busisidwe kusikila bukali Bwako bukabe.” Elyo lino, nce ncico, “Ikuti na Wa ndisisa!” Mwabona, wa kabona i—i bulenge, musamu, bumi bwaka selemukila mu miyanda; Mukwesu Way. “Elyo awo kukkala kusikila bukali bukainde, elyo mpawo kundiita a kundibikka kuba ciindi.” Mwabona?

³⁷ Bulenge bu jisi mulao. Ngooyo mulao wa bulenge; takukwe nzila pe yaku ceenguluka. Walo mulao wa bulenge. Elyo mpawo kuli mulao wa muuya; uliko, awalo, taakwe nzila yakusika koonse kuli ceeco.

³⁸ Ndali kukanana ku banabukwatene masika aya, kujatikizya, kuti tokonzyi kunyonyoona cili conse kumaninina. Bantunsi taba konzyi kunyonyoona kumaninina. Bala konzya kuzapaula, pele kutali kunyonyooka cakumaninina. Elyo muntu umwi wakati, “Ee, ino kujatikizya kubweza a kupenta kabeela ka

pepa, sa eco cila inyonyoona cakumaninina?” Peepe, munene. Ci pasaula buyo makkemikko, kupya kwa mulilo. Cila jokela nkoonya ku magaasi, eco cakali kumatalikilo. To konzyi kunyonyoona cakumaninina. Elyo ikuti na inyika yaima kwa ciindi cilamfu, magaasi ngaonya, ayo alimwi—alimwi misamu yakali mu mutende oyo, akali kukonzya kujoka ncobeni a kuba kabeela ka pepa alubo. Oko nkunkuko. To konzyi kunyonyoona kumaninina. Nincobeni.

³⁹ Leza, mpawo. Ikuti na kuli bubuke ku zintuzyonse, kujoka alubo, nkabela kwiina kunyonyooka, mboobo bubuke bwa baluleme, inzya, alimwi tweeledede kujokela. Nku konse kuliko kuli ncico. Taakwe nzila pee ya kucita. Takukwe makani na waumpwa do, ikuti na wanyikila, kufumbwa cicitika, taba konzyi kunyonyooka kumaninina.

⁴⁰ Amuyeeye buyo kuti cibeela acimwi cako cakali waano, cindi Leza naka kanana inyika mukuba. Wa kabikka mubili wako mpoonya awo. Elyo kwiina cintu cikonzya kuugwisya cita Leza. Lya jokela mu maanza Akwe alubo. Mwabona? Elyo Ngo Nguwe, Umwi oyo, Cilenga, wakali Umwi Oyo wakapanga cisyomezyo, aboobo tuli masimpe kuti kuli Buumi Butamani. Elyo tu jisi kaanzambwene mu moyo wesu lino, kuti lino tu jisi Buumi Buteeli, Buumi Butamani obo bu takonzyi kufwa, muli ndiswe lino. Yaa.

⁴¹ Musalali Johane 6. Atu talikile lino a cipati ca 6 ica Musalali Johane, a kutalikila kampango ka 60.

Bunji nkikaako basikwiiya bakwe, cindi niba kamvwa, kamvwa obu, kati, Oku nkwaamba ii kuyumu; nguni ukonzya ku cimvisya?

Mpawo Jesu wakalizi . . . mwini kuti basikwiiya bakwe baka citongauka, alimwi wa kabaambila kuti, Sa eci cila mu lebya?

Ino . . . ikuti na muyo bona Mwana wa muntu katanta kujulu oko nkwa kabede?

Sa—sa cili . . . muuya oyo uupononosya; alimwi nyama taigwasyi: majwi Nge kanana kuli ndinywe, alo nga muuya (oyo Nguwe), alimwi nga buumi. (Ino Wa kaamba nzi? “Ndime Bwini, Buumi.”) . . . alo muuya, . . . alo mbuumi.

Pele kuli bamwi banu abo bata syomi. Nkambo Jesu wakalizi kuzwa kumatalikilo abo batakali kusyoma, a yooyo wa keelede kuyo mwaaba.

Elyo wa kati, Nkikaako Nda mwaambila kuti, kwiina muntu ukonzya kusika kuli ndime, citakuti caka pegwa kuli nguwe kwa Taata.

Elyo *kuzwa ku ciindi eco bunji bwa basikwiya bakwe bakajoka, a kuta ceenda limbi anguwe.* (“Kwaamba kuyumu,” mwabona, ta kakonzya kucibweza.)

Mpawo Jesu wakaambila bali kkumi aabili kuti, Sena anywebo mula inka?

Mpawo Simooni Petro waka muvwiila, Mwami, nkuli ni nko tuya kuunka? nkambo uli jisi majwi aa buumi butamani.

Elyo tula syoma obo alimwi uli masimpe kuti nduwe Kristo oyo, Mwana wa Leza muumi. (Ma!)

Jesu waka muvuwa, Sa Nse ka musala nomuli kkumi ababili, nkabela umwi wanu ngu dyabulosi?

Wa kaamba zya Judasi Iskarioti mwana wa Simooni: nkambo wa kali nguwe wa keelede ku mwaaba, mukuba umwi wa kkumi ababili.

⁴² Lino, ikuti na Nde elede kwiita eci ciiyo ca sunumasiku, a kusola mbwe konzya maningi kubamba eco cisela ca oora kubalwa, Ndi yanda kwaambaula aa: *Misyobo Yotatwe Ya Basyomi.*

⁴³ Elyo kanji Nda kaamba kaambo. Elyo Nda kayeeya, “Ee, Ndiyo syoma buyo kuti Ndiyo kambauka ali ncico ciindi cimwi, masikati aya.” Nda yeeya eco.

⁴⁴ I bataanzi mbasyomi, basikuli kozyanisyaa, a batasyomi. Lino, eco nci ii—ii—ii ciiyo. Pele, mbuli masimpe mbo tukkede awa sunumasiku, eyo nkamu lyoonse ilibungene antoomwe. Kufumbwa oko bantu nkoba bungana, tu jana nkamu eyi, alimwi lyoonse twa ka ijana, alimwi antela tuyo oba ambabo kusikila ku Kuboola kwa Mwami. Elyo Ndi yanda swebo, sunumasiku, kuli bikka mucimo, mbuli Mbwe kanana ezi nkamu zyotatwe akubona nkamu motubede.

⁴⁵ Lino amuyeeye, Ndi kanana okuno ku ndiza...Eyi mbungano, ili zwide alubo sunumasiku, koonse, a malambo a tuzila, pele akwalo Ndi kanana inyika yoonse. Mwabona? Mu zibeela zyoonse zyandeene zya inyika, aya mateepu kamwaika koonse, milimo ya mateepu.

⁴⁶ Lino Ndi yanda kukanana zya misyobo yotatwe yandeene ya basyomi eno. Lino amuyeeye, *basyomi*, ciiyo cangu nca *basyomi*. Umwi wabo musyomi wakasimpe, alimwi utobela ngu sikulicengeezya, alimwi uccilila ngu sikutasyoma. Mwabona?

⁴⁷ Lino, nkamu ntaanzi njo tu yanda kwaambaula, musyomi. Nkaambo, Ndi yeeya kuti weelede kuba mutaanzi, nkaambo ngo nguwe oyo usyoma ncobeni, lino, basyoma mbuli basikwiya mbo bakasyoma awa. Tuyo belesya kubala oku kwa Lugwalo ku mukozyanyo. Lino, lutaanzi mbasyomi, basyomi beni. “Elyo lusyomo lula boola kwiinda ku kumvwa, kumvwa kwa Ijwi lya Leza,” i Ijwi lya Leza, lili ngu Kristo. Mwabona, basyomi!

48 Lino, sena mwakabona kaambo aka kapati musyomi nka kabamba? Lino, musyomi taelede kuba muntu musongo mu nzila ya nyika iya kuba musongo. Ta elede kuba muntu uyiide mu nzila bantu aba njoba sola ku—ku kwaamba kuti mweelede kuba; pele tamu citi. Yebo. . . Oyu muntu wa kaamba kaamba aka, Bbaibbele Lini lyakati kobile “muntubuyo” a “utayiide.” Petro, ta kalanganya muntu musongo ncobeni.

49 Muli Isaya 35, ilati, “Kuyooaba mugwagwamupati, alimwi a nzila, nkabela iyo tegwa, ‘I nzila ya busalali.’ I basofweede taba ka cilobi.”

50 Nda kali kwaambaula kuli umwi wa madaikona masikati aya, mbuli mbo twali kwaambaula kujatikizya zizabukilo kazibambwa kulanduka, alimwi eci cimwi cipya. Nda ti, “Kuli kusuta kunji atala lya maziba ameenda, mutabi wa mulonga asunu.” Elyo Nda kati, “Pele kuli biyo kuyutululwa komwe kupati oko kusika kuzwa aa nyika kuyaku Bulemu, kula tegwa, ‘I mugwagwamupati wa Mwaami.’ I basofweede taba ka cilobi.” Mbo mbubo. Ni—ii mugwagwa oyo wakayakwa aa Kristo Mwami wesu, Kusuta oko kwabambwa kuzwa kuli eyi nyika kuya ku Cisi cimbi, nkabela batasalali taindi ali njiyo.

51 Petro, muntu oyu utayiide, wa ii. . . kaimvwi muni, cindi na kabona Ijwi lyaka simpikizigwa ilya buzuba, kuti Leza wakasyomezya mu buzuba obo kuteeti kuyooaba Umwi uyo buka oyo uyooba i—i Musinsimi akati kabo. Elyo Simooni wakali muyumu ku cisyoma, nkaambo kwakali kulikozyanisya kunji loko kwa Ncico. Pele cindi na kabona Ijwi lini, lyaka vunguluka ilya bukkalo obo, a ku Mu mvwa kabotu ka Mu zibya, wa—wa kalamwa ncobeni kuti Walo Wa kalini. Elyo wa kali umwi, kati, “Mwami, nkuni nko tunga twaunka?” cindi ni caka mubuzya.

52 Cindi i—i makamu aabantu nakali kupambula, akati ka basyomi, a batasyomi, a basikuli kozyanisya, kwakali botatwe boonse babo kabaimvwi moonya omuya mu nkamu yomwe ya bantu; basyomi, basikuli kozyanisya, a batasyomi, bakajanika moonya mu capita eyi mpoonya awa. Elyo nkaambo kakuti Jesu waka kanana Majwi nzila Mbwa kajisi, caka pambula mbunga Yakwe. Pele ceelede kucitwa.

53 Wa kali muntu mulemu kufumbwa kuti Wa kaponya balwazi, pele cindi nicaka selemukila ku Njiisyo a cisinsime, eco cakaandanya i—i buungu kuzwa ku whiiti. Mwabona? I buungu buzambaidwe biyo kuzunguluka whiiti. Taili whiiti. Tai konzyi kubelesegwa. Kunyina cintu muli njiyo. Taakwe Buumi muli njiyo. Calo ncikwa, alimwi tacikonzyi kukkala a whiiti. Ta lukabi swaana kubelesya whiiti. Elyo aboobo iba. . . Nseke buyo njo twaambauala, moyo wa nseke ya whiiti.

54 Lino amubone, Petro wakalamwa kuti Oyo wakali Mesiya. Lino, tacibambi lwandaano lumwi eco boonse ncoba kaamba. Ta cibambi lwandaano lumwi eco bapaizi ncoba kaamba. Takukwe

makani kuli Simooni Petro eco mbungano ncoya kaamba. Wa kalamwa, mwini.

55 Jesu waka mwaambila, mu busena bumwi Mpa kabuzya kuti, “Ino baamba kuti Ndi menei?”

56 “Elyo bamwi bakati Uli ‘musinsimi,’ nkabela bamwi bakati Nduwe ‘umwi wa basinsimi bakaindi wakabuka,’ alimwi—alimwi Nduwe ‘Musa,’ na ‘Eliasi,’ na umwi.”

Wa kati, “Nda *ku* buzya. Ino uyeeya nzi?”

57 Elyo Petro wakati, “Nduwe Kristo, Mwana wa Leza muumi.”

58 Wa kati, “Ulacoolwe yebo, mwana wa Jonasi; Simooni, mwana wa Jonasi; nkambo muntu uulya maila ta kuyubunwida ceeci. To kaciya kuzwa ku bbuku, na kuzwa ku buzumini bwabukombi, na kuzwa ku katikizimu. Yebo... Taata Wangu, oyo uli ku Julu, wa yubununa eci kuli nduwe.” Kuli musyomi wakasimpe; ciyubunuzyo ca kumuuya ica Ijwi. Mwabona? Elyo atala-... “Nduwe Simooni, alimwi atala a mwaala oyu, wa ciyubunuzyo cako ca Oyo Mbwe bedede, Njo yaka Mbungano Yangu, nkabela milyango ya gehena taikonzyi Kwi izunda.” Mwabona?

Ta cigambyi Simooni wakati, “Nkuni nko tunga twa unka?”

Jesu wakanyona a kuti, “Sena uyanda kuunka ayebo?”

59 Elyo ba kati, “Mwami, nguni ngo tunga twa unka? Nkambo, Yebo olikke nduwe ujisi Majwi aa Buumi. Ndo nduwe Umwi luzutu.”

60 Nkambo, kutali buyo kuti Wa kajisi Majwi aa Buumi, Wa kali Ijwi lya Buumi. Mwabona, Wa kali Ijwi lya Buumi, nkabela Simooni waka ziba ceeci cakumaninina. Elyo cindi naka ciziba, eco nce ncico caka bamba kujatailila kwakwe, nkaambo caka yubununwa kuli nguwe kuti Wa kali Ijwi eelyo lipona.

61 Lino, oyo musyomi wakasimpe, cindi Muuya Uusalala; kutali kusungilizya umwi ku muntu umbi, kutali ku cintu cimwi cimbi. Pele cindi Muuya Uusalala waka kuyubunwida Ijwi Lini, nkabela wakabona Ijwi antangalala, kalisimpikizigwa; mpawo Muuya wa Leza wakasika a kunjila mu bukkalo obo, nkambo ka Ijwi lya bukkalo obo, aku Li bamba kuyubululwa.

62 Mbobuti muntu mbwa konzya kukasigwa kusyoma Luther ikuti na na kali cizyi eco? Luther wakali silubambululo. I muuya wa muntu wakainka kuya ku lubambululo. Wesley, nzila njiyona. Ba kaleelede kucisyoma. Mwabona, oyo wakali i—oyo wakali mulumbe ku bukkalo bwa mbungano. Eco cakali mbubonya caka citika. Eco nce cakaeelede kucitika. Wa keelede ku cisyoma.

63 Elyo mpaawa mpo tubede, kunselelo ku Bukkallo bwa Laodikeya. Elyo tula yiisigwa, mu Bukkallo bwa Laodikeya, kuti Kristo waka tandilwa aanze lya mbungano Yakwe; alimwi

akwalo wakali kukonkomona aa mulyango, kusola kujokela mukati. Aboobo cindi twa bona eco kacicitika, tu lizi obo bukkalo mbo tuponamo.

⁶⁴ Elyo, mpawo, tuli ku kujala kwa makani aakale aa nyika. I bbuku lili mukumana eno. Munkali wamamanino uyo lembwa ali nguwo buzubabumwi, nkabela uyo jalwa, mpawo ciindi tacikabi limbi.

⁶⁵ Elyo kuli cisobano cipati cibambidwe. Elyo Baangelo baliimvwi atala lya milengalenga, kabalangilila. Mulizi dimlama mbo ibede. Basikucitaula bali libambilide. Inga mwaba bona kacitaula.

⁶⁶ Inga wabona umwi mubi kalilemeka. Inga wabona ciimo ca musobano, nzila mbwa boola aa cilao a bupyungi bwakwe, ku cenga.

⁶⁷ Pele inga mwaibona ayalo Mbungano ya kakwempwa Kaili bambile ini. Ncilao cilemu. Inga wabona Busyu bwa Leza kabusimpikizya a kubamba cisobano cipati eco cakaambwa kuza mu Bbaibbele eli, kuli citaula lini. Ino nciindi nco tupona, ciindi cabulemu kapati! I muntu wa makkalo oonse waka sukamina ciindi eci. I basinsimi bakaindi bakasukamina kubona oora eeli, pele tee bakali basicoolwe pe.

⁶⁸ Lino, kwakali musyomi. Nkaambo, wa kacibona. Wa kacisyoma. “Twa kasungilizigwa cakumaninina kuti Nduwe Kristo, Mesiya, Ijwi lya Leza ku buzuba buno, nkabela tula syoma eco.” Mwabona, oyo wakali musyomi wini.

⁶⁹ Atu bweze buyo basyomi bambi basyoonto, cakufwambaana ncobeni, katutana kuya ku ciimo citobela. Atu bweze musinsimi, Nowa. Cindi walo, mukuba ndiza mulimi, antela wakali mu mazuba ayo, kali mulimi. Pele cindi basikusabula a bakombi ba buzuba obo. . . I mbungano yeenda cakutebela, nkabela Leza wa kanana kuli Nowa, a kwaambila Nowa kuti wa keelede kuyaka bwaato. Nowa taka kazyanya kuli ceeco a Leza. Wa ka Li syoma, kuti Lya kali Ijwi lya Leza, akujoka kuyo beleka cakufwambaana kubamab zintu.

⁷⁰ Oyo musyomi wini. Uta kwankwani kujatikizya ncico. Cindi walamwa cakumaninina, nce ncico. Mbuli buyo muntu uli oonse, lusyomo luli loonse, nzila iili yoonse. “Lusyomo lulaboola ku kumvwa.” Ikuti na wakonzya kwiima awa, takukwe makani eco dokotela ncaamba kuti cili lubide kuli nduwe! Kwalo, muntu muntu wakupa kulangwalwangwa kwa malwazi, alimw antela ulizi eco ncaambaula, kuciimo ca zibelesyo a luzibo lwakwe ziyo muzumizya kuziba, pele wa amba kuti kwiina cintu cisyede cita lufu. Pele, wa paila, akwiimilia kulaale mu ciindi ciciza kukonzya kubona mwaalumi na mwanakazi kali kabotu kaimvwi okuya. Iiyi, nce ncico. Elyo nce ncico buyo. Uyo enda moonya muli ceeco cakasimpe mbuli cintu cili coonse, nkaambo ula cisyoma. Leza waka caamba. Nywebo mulizi kuti cili boobo.

⁷¹ Mbuli mwanakazi muniini kakola kkulenge, mwabona. Kwakanyina kuzumbauzya mu mizeezo yakwe, eco cakali kuyo citika. I kkulenge lyakali fwide, nkabela lya kaangulula, elyo lyakazwa. Mwabona? Nce ncico. Ula cisyoma.

⁷² Mbuli obo taata mbwa kaleta mulombe wakwe muniini, kaindi kainda, omuya. Elyo uli waano mu buyake abusena bumwi lino. I mulombe muniini wakali wide, nkabela waka sweekelwa kwiibaluka kwakwe. Ta kali kukonzya kuyeeya cintu cili coonse. Mu kaindi buyo kaniini, kumane mupailo, Nda kamubuzya zina lyakwe. Wa kandaambila, a nzila mbwa kali cembeede, alimwi ngooyo wakali buyo mbuli musankwa uli oonse mbwa kali kukonzya kuba. Mwabona? Bala syoma. Elyo cindi Leza aamba cintu cili coonse, ceelede kuba nzila eyo.

Elyo Nowa waka syoma Leza, nkabela Nowa waka yeeyelwa kuba musyomi.

⁷³ Daniele, cindi mbungano niya kali mu buzike kumusanza mu Babuloni, Daniele waka syoma Leza. Elyo tacikwe makani obo kunji mbo bakaamba, “Tuyo bamba kwaambilizya kupati. Taba kakombi kuli kaleza kambi pele eci cikozyano kubusena kuya,” ca muntu uusalala oyu, na kufumbwa mbo cinga caba. Daniele taka bikkila maanu kuli ceeco. Wa kamvwa Leza, nkambo wakali musinsimi, nkabela Ijwi lya kaboola kuli nguwe. Elyo cindi tempele nilyaka tuulwa, lya kati, “Ikuti na muntu uli oonse uli mu penzi mu cisi cili coonse, a kulanga nzila eyi kuya ku busena busalala, a kukomba, mpawo komvwa kuzwa ku Julu.” Elyo Daniele waka syoma Leza. Wa kali musyomi wakasimpe, alimwi akwalo balavu tiiba kakonzya ku mulya. Elyo mbo mbubo, mwabona, wa kali musyomi. Wa kajisi cintucimwi cini ncobeni a cini. Wa kali musyomi.

David, musyomi umbi, lweendo luniini lwa mulombe.

⁷⁴ Daniele taka njilana a mbungano yabusyaasunu, alakwe Nowa taka njilana a mbungano yabusyaasunu. Kutali nokuceya. Ba kali basyomi muli ceeco Leza nca kaamba kuba Bwini. Takukwe makani eco nyika ya sunu ncoya kaamba, baka syoma eco Leza nca kaamba kuti bwakali Bwini. Abo mbasyomi beni.

⁷⁵ Mbubonya buyo mbuli Petro mbwa kacita, a baapostolo, ba kasyoma kuti Wa kajisi Ijwi lya Buumi alimwi lyakali Ijwi lya Buumi. Nda syoma cintu nciconya sunu. Elyo zintu zyoonse zimbi zi Ci lwana ziliimpene, tacili obo, ngu lufu. *Eli* lilikke ndi Ijwi lya Buumi, alimwi Kristo ndi Ijwi.

⁷⁶ Lino, David, mulombwana uugalankene. I busena butaanzi, antela wa kabwezwa aa babunyina bakwe, nkaambo wakali mulombwana muniini. Ta kali mupati cakweelela kuyumuna cilwanyo. Ta kakonzya kuya ku lumamba, elyo wa kali muniini loko a mukandu. Elyo, nekubaboobo, wa kazwa kuya, mbuli musyomi.

⁷⁷ Elyo mbuli mbwa kakkede kumbo lya lukula (kalangilila ii—ii mbelele ziyooonto ezyo wisi nzya kamupede kweembela, a nkwilipo, mu cisi oko kuli balavu a bamasekese a baumpe, azimwi zimbi), Davida wakatalika kulanga aa macelelo mabotu, alimwi wakaziba eco nco cakali kwaamba ku mbelele kuti azwe mu cimvule eco, a kulala muu kupya kwa zuba; wakalizi eco cakali cibotu, maanzi akunywa atontola nca kali kwaamba, mbuli mbwa kati, “Mbuli insya mboi fwekembela maanzi aku kalonga, moyo wangu usukamina Nduwe, O Leza.” Mwabona? Wa koompolola, waapaila.

⁷⁸ Elyo buzuba bumwi cibukilambuta caka buka, mulavu wakakwempa imwi ya mbelele zyakwe, a kutalika kweenda. Wa kayeeya, “I Leza oyo wakandibamba mu kasuntu ku mulavu!” Mwabona? Elyo wa kabweza nkwilipo a kumwaya mulavu, kubelesya mwaala muniini mu nkwilipo. Lino, ikuti na umwi wakasola kubona mulavu, umwi wa balavu bana Africa, balavu bapati bazwide boya mu nsingo abo mbo bajisi omuya mu Palestine a Asia, inga baziba obo umwi wa balombwana mbwa kabede. Cindi, cibikkilo cipati loko malita ali myaanda yotatwe inga tacika mutesuli, elyo wa muumina ansi kubelesya bbwe. Elyo cindi mulavu nakabuka kumutobela, wa kamukwempa ku cilezu a kumujaya. Ako nkekaambo nca kazi eco ncakali kwaambaula; wa kajisi luzibo. Wa kabikka Leza ku kusunkwa, kujatikizya Ijwi Lyakwe.

⁷⁹ Elyo ta—ta kayoowa Goliati, nkaambo, wa kalipalwidwe. Ta kali musyomi, pe; alimwi cindi Goliati nakazwa a kumu singanya mu zina lya tuleza twakwe.

⁸⁰ Elyo Goliati, ziindi zinji mupati kwiinda mbwa kabede; muntu mupati ncobeni, tunwe twa mainci ali kkumi aone aali nguwe. Lino, minwe inga kai lampa *obo*, mwabona, minwe ya mainci ali kkuni aone, silumamba. Elyo antela ngowani ya mundalila nja kamu samikide, antela twa kali kulema mapaundi ali myaanda yotatwe, na kwiinda, mwabona, ayo nga kasamide nguwe. Ii holemeti, a mpati. . . antela ya ntuli iya inci acisela. Ii mubbabbani mupati loko mbuli boobo, keenda a—a nyeleti ya musumi oyo waka taminina kuba ku matende ali makumi obilo. Wa kajisi sumo lya tukokola tuli makumi obile mu janza lyakwe. Lino mbobuti muntu uuli oonse mbwa konzya. . . Ii muntu mbuli oyo wakali kukonzya kwimikila buyo a kubweza bantu basyoonto, akuba waala mbuli *obo*, mbuli mbo bakali kusika. Ino nkuzundana!

⁸¹ Elyo ngooyo mbwa kabede, kaimvwi alya, kalikankaizya mwini, kalitukumuna. Cindi i. . . kubobena mbuli kuti zigambya zili ansi, nywebo mwabona, wa kati, “Atu. . . Muta tili bulowa.” Kati, “Amu—amu lekela muntu asika kundi lwana, elyo mpawo na Nda wina, mpawo nyoonse muyo ndi belekela; elyo mpawo ikuti—ikuti—ikuti na mwaina, mpawo tuyo mubelekela.” Mwabona, cindi dyabulosi ayeeya kuti ujisi zigambyo ali nduwe,

mwabona, eco nce cindi nayanda kutondezya kulitukumuna kwakwe. Pele wa kaswaana muntu utali nguwe. Wa kaswaana muntu muniini mu cisi, mulombwana, muniini waziwezo zidiime, wakali kuboneka kugalankana.

⁸² Wa kati, “Sena undaambila kuti yebo, i—i impi ya Leza muumi, bayoima awo a kulekela mu Filisiti oyo uutapalwidwe kusampaula impi ya Leza muumi?” Baa, wa kagambwa kuli ncico! Nkaambonzi? Nkaambonzi? Wa kali musyomi. I bamwi bakali basikuli kozyanisya. Mwabona? Mwabona, wa kali musyomi wakasimpe. Wa kati, “Ikuti na uli yoowede, Njo mulwana.” Mwabona? Ino ncizundikizya nzi ku mulombwana muniini mbuli oyo! Elyo aboobo wa kali musyomi, alimwi wa kacita mbubonya buyo eco nca kazi kuti Leza uyo cita. Ngu. . .

⁸³ Cindi oyo mu Filisiti uutapalwidwe naka musinganya mu zina lya tuleza twakwe, wa kati, “Sa Ndili mubwa; kana ka kanyama kaniini loko kayutuka mbuli boobo? Baa,” kati, “Ndiyo kudyunga kumpela lya sumo lyangu, elyo Njo kulengelezya atala alya mu samu akulekela bayuni kuti balye mubili wako.” Oh, ma! Oh, ino wakali mulombwana mubyaabi!

⁸⁴ Davida wakati, “Ndi swaangane a cceba a sumo, a cilwanyo. Ndi swaangana mu zina lya ba Filisiti. Pele, Nda kuswaana kakutakwe cceba na sumo, cilwanyo, pele Nda ku swaana mu Zina lya Mwami Leza wa Israyeli.”

⁸⁵ Mpaawo we. Oyo ngo musyomi. Obo mbbo buyakwe bwakwe buyumu bukwabilila. Eco ni ntobo yakwe. Obo mbukwabilizi bwakwe. Ameni! Obo bweelede kuba bukwabilizi bwa Mbungano. Kufumbwa musyomi, Obo mbukwabilizi bwakwe. Takukwe makani eco cicitika, eco inyika nco yaamba, kufumbwa cintu cimbi, bukwabilizi bwako ngu Mwami Leza wa Israyeli. Nce ncico. “I Zina lya Jesu Kristo ni ngazi njumu, balulami bazuzila muli njiyo nkabela bali kwabilidwe.” Obo mbukwabilizi bwesu, ngu Jesu Kristo.

⁸⁶ Amubone, elyo cindi nicaka citika, tu lizi eco cakacitika. Davida, taakwe a kuuma cita obo busena bomwe cindi a kalosya civumbyo cakwe—cakwe—cakwe ku busyu bwakwe. Busena bomwe bwa kuuma bwakali mpoonya awa mu nkumu yakwe. Elyo kataninga konzya kuswena musinzo umwi kuli i—i mubbabbani, Leza waka lailila ku mpa yaku jaila, elyo wa kajaya mubbabbani. Mwabona? Leza waka cicita. Lino, tula bona kuti wakali musyomi.

⁸⁷ Lino, musyomi umbi wakali Abrahamu, alimwi wa kali wa i. . . muna Chalde wa muunzi wa Ur. Elyo wa kaitilwa kucita cintucimwi eco cakali. . . a kusyoma cintucimwi eco catakali kukonzeka, kunyama cakumaninina. “Pele ta kadadalika aa cisyomezyo ca Leza kwiinda mu kutasyoma,” mbo lyaamba ba Roma 4, “pele wakali muyumu, kalumbaizya Leza.”

⁸⁸ Cindi Abrahamu nakali a myaka ili makumi ali ciloba ayosanwe yakukomena, nkabela mukaintu wakwe wa myaka ili makumi ali cisambomwe ayosanwe yakukomena, alimwi bakali kupona antoomwe kuzwa ciindi nibakali balombe bakubusyi. Wa kali mucizi wakwe wamusela; mulombe mukubusyi a musimbi muniini. Elyo mbo cakabede, ba kapona antoomwe, kakutakwe bana pe. Elyo Leza wakaambila Abrahamu, “Kolyandaanya lwako kuzwa kuli batasyomi.” Leza lyoonse wiitila kuzwa, kwandaanisigwa. “Lyandaanye lwako kuzwa kuli batasyomi a kweenda a Ndime, elyo Nda kubamba taata wa masi manji. Nda kacicita kale.”

⁸⁹ Elyo Abrahamu waka cisyoma. Oyo musyomi. “Mbobuti Mbo muya kucicita, Mwami?” taakwe naka buzya mubuzyo. Leza wakati inga Uyo cicita, nkabela eco caka cibamba.

⁹⁰ Cindi mweezi mutaanzi niwakainda, elyo Sarah wakacili . . . Waa kainda kumweezi. “Kufumbwa cintu candeene?”

“Kutali cintu.”

⁹¹ Pele Abrahamu waka cisyoma. Myaka ili makumi obilo ayosanwe yakainda, kwakanyina lwandaano, pele Abrahamu waka cisyoma. Oyo musyomi. Oyo tali sikuli-engeezya. Oyo musyomi. Myaka ili makumi obilo ayosanwe yakainda, Abrahamu wakali muyumu kapati kwiinda mbwa kabede ku busena butaanzi. “Wa kasyoma Leza, alimwi ca keelelezegwa kuli nguwe ku bululami.” Nkaambo ngu si- . . . Oyo ngo musyomi wakasimpe.

⁹² Lino, kwainda kaindi Ndila mulekela kulingula a kubona musena mo mubede.

⁹³ Lino ncenzi Abrahamu nca kacita? “Taka zungaana aa cisyomezoy ca Leza,” milimo iitakonzeki.

⁹⁴ Ino cinzi muntu wa myaka ili seveinte faive yakukomena nca konzya kucita, a mukaintu ujisi myaka ili sikisite faivi yakukomena, wacita, ikuti na bakainka kuli dokotela a kuti, “Tu yanda kulibambila, cibbadela. Tu yooba a muvwanda”? Elyo mpawo, myaka ili makumi obilo ayosanwe yakainda, kati, “Doc, uci jatilide cibbadela kacijukide?” Mwabona? Mwabona?

⁹⁵ Cikubamba kulilemeka bweenzu. Kusala kwako kula gambia, ku nyika. Pele musyomi, takukwe makani obo mbo ciboneka kuba ceenzu. I Bbaibbele lya kaamba, kuti, “Wa kali lamidwe caku maninina kuti Leza wakali kukonzya kucita eco Nca kaamba kuti inga Uyo cita.”

⁹⁶ Eco ceelede kuba coolwe ca musyomi oonse masikati aya. Leza ulakonzya kubamba Ijwi lyoonse eelyo Ndya kaamba kuti inga Uyo cita. Ta ndikwe makani tubungwe nco twaamba, majwi, “Buzuba bwa maleele bwakainda, alimwi konse oku nkukwabana kwa mizeezo a konse, nku sonda. Kuli . . .” Ta cikwe makani kuli ndime eco nco baamba. Ndi cisyoma. Ikuti

na ntobolo eyo ya tondekedwe ku mbaakani, iyo uma mbaakani. Elyo Nda syoma ikuti na musyomi wa tondekwa ku Ijwi lya Leza, uyo uma cintu nciconya. Ikuti na Ijwi lya Leza lyakasola ku cisyomezya, liyo cicita alubo. Ndili lamidwe cakumaninina kuli ceeco. Kuti, cindi twa bona kuti tuli mu bukkalo obu ciindi nobweelede kuba okuno, bweelede kuba okuno. Ezi zintu zyelede kucitika.

⁹⁷ Ako nkekaambo Nce syomena kuti cind oyo Nabwiinga wakaitwa a kusalwa, a kubikkwa mu Bbuku lya Buumi, kuyo boola kumvwika kuzwaku Julu oko kuyo bweza lubbizyo luli boobo lwa Muuya Uusalala muli oyo Nabwiinga uyo Mu gusya kuzwa aa nyika, mu luzyalo lwa Kukwempwa. Leza waka cisyomezya. Ta ndikwe ndaba na sayaansi ili yongaye, alimwi na baa Astronati bali bongaye mbe bakatumina, a zintuzyonse zimbi, a kuvula kwa mamaile ali mamilioni ngo bakonzya kubona; Nse kwe ndaba kujatikizya ceeco. Ndeelyo Julu, alimwi kuli Jesu Kristo wini Okuya eco ciyo boola mu ciimo ca mubili ku tambula Mbungano Yakwe kuli Lwakwe. Takukwe makani obo kaano mbo ka ka indide, bucili Bwini. Leza wakaamba boobo. Eco—eco ncencico basyomi ncoba syoma.

⁹⁸ Leza wakati, “Ndime Mwami uuponya malwazi anu oonse. Ndime Leza alimwi Nse cinci.” Amen! Elyo Leza ndi Ijwi. Alimwi ikuti na Leza tacinci, mbobuti Ijwi mbo liyo cinca? Mwabona? “Ndime Leza, alimwi Nse cinci.” I Magwalo aamba ceeco. Leza waka caamba, Mwini. Elyo ikuti na Ta konzyi kucinca, nkokuti Walo ndi Ijwi. “Ku matalikilo kwakali Ijwi, alimwi Ijwi lyakali antoomwe a Leza, nkabela Ijwi wakali Leza.” I Ijwi litacinci! “Elyo Ijwi lyakaba mu mubili wabuntu, a kukkala akati kesu.” Amen! Iyi, munene.

⁹⁹ Leza wakaibusya mibili, mucindi cakatobela; Musa, a Ezekiyeli, a Jeremiya, a Isaya, a Eliya, bonse mucindi, oko Ijwi Lyakwe nkolya kasika kwacindi cisyoono. Pele Ijwi lizwide lyaka tondezegwa mu Muntu oyu Jesu Kristo. Kwalo, Wa kali Leza mu i—Leza mu buzule bwa Buleza camubili. Ngooyo Wa kaba mu mubili wabuntu. Nda syoma obo, Ijwi lyoonse.

Jobu, musyomi umbi.

¹⁰⁰ Ziindi zimwi, basyomi babikka ku musunko. Kutali ciindi cimwi; ziindi zyoonse! “Nkambo oonse mwana uboola kuli Leza weelede kukomwa, waka sola, kuyiisigwa kwa bana.” Amuyeeye, masukusyo, migwagwa ya lusuko, zuba lipya ilwa kupenzegwa, pele kusyomeka kwa moyo wako uladuntaana ku cintu eco mane wali bambila kunjila mu kubumbwa. Bana ba Leza bali pangidwe kululama aa Ijwi Lyakwe, nkambo bali mikozyanyo iipona, alimwi Ijwi lya Leza kali ponena muli mbabo. Mwabona? I sukusyo lisika ku kuzunganya, ku kubikka ansi eni, ku bona mboya kwiimikila. Ba kasolekwa, kusola mwana oonse uboola kuli Leza.

¹⁰¹ Jobu wakainda mu masukusyo a kusunkwa. Bana bakwe bakatolwa; zintuzyonse zimbi zyakatola. I mamembala aambungano akasika, kamutamikizya kuba sizibi wakumbali, a kusola kwaamba zintuzyonse kulwana nguwe, pele nekubaboobo taka swiilila kuli cimwi ca ncico. Wa kalizi kuti waka kkwanisizya ziyandika zya Leza. Wa kalizi kuti takuyandikani Saatani kusola kumu sunka. Wa kalizi kuti wakali dyabulosi. Elyo kufumbwa kuti Saatani kakonzya kumubamba kusyoama kuti kuciswa kakwe wakali Leza ka kucita, wa kamu nabba Jobu. Pele cindi Jobu nakauma lomwe ciyubunuzyo eco, kuti takali Leza! Wa kali kwiinda buyo mu masukusyo akwe ku mubamba cintucimwi. Ta kali Leza wakali kucicita. Wa kali Saatani kacicita.

¹⁰² Elyo cintu nciconya sunu. Uyo sola ku kwaambila aya masukusyo alimwi cintu ngu Leza wanu kusola kubikka cisubulo ali nduwe. Tacili boobo. Peepe, munene. Ngu Saatani kaicita, nkabela Leza ka cimumizya, ku kusunka; ku kubamab kubona na wa—ngidwe ku nyika eyi, ku mapakasyo a nyika, na lubono lwako luli ku Julu. “Nkambo kufumbwa oko lubono lwako nko lubede, ndoolo we akwalo.” Mbo mbubo. Moyo wako uli awo lukono lwako mpolubede.

¹⁰³ Jobu, wakasola, nekubaboobo wa kati, “Ndi lizi Munununi wangu ula pona; ku mazuba akumamanino Uyo imikila atala lya nyika. Nekubakuti tuuka twa lukanda lwangu twa nyonyoona mubili wangu. . .”

¹⁰⁴ Sena mwakabona? I tuuka twa lukanda twakali muli nguwe kale. Tuuka twa lukanda tuli muli nduwe. Muli mu kkofini lijalidwenamatikidwe kakutakwe luwo luli loonse muli ndilyo, na kufumbwa nzila, pele tuuka twa lukanda tuli kale omuya. Bali moonya muli nduwe, alimwi bali libambilide kwiitwa ku bulizi kufumbwa ciindi. Amuyeeye Kaisara, ula konzya kulisanganya moonya mu kagwagwa. I tuuka twa mubili twa kamulya, moonya mu kagwagwa, tuka twakwe twa mubili. Nko tuli nconzyo, katulibambilide.

¹⁰⁵ “Nekubakuti tuuka twa lukanda lwangu twa nyonyoona mubili oyu, nekubaboobo mu mubili wangu Njo bona Leza.” Amen! To konzyi ku cinyonyoona kumaninina. Nekubakuti tuuka twa lukanda twa kaulya do, ciyo jokela alubo. “Oyo ngo Ndiyo libona lwangu. Meso angu ayo bona, alimwi kutali ambi.” Wa ka caamba, Jobu. Nkaambonzi? Wa kali musyomi. Mu masukusyo wa kali musyomi. Mu kupenzegwa, wa kali musyomi. Wa kali musyomi wini.

¹⁰⁶ Josefa, musyomi umbi, ta kali kukonzya kugwasya kuba obo mbwa kabede. Wa kali musinsimi. Leza waka mubamba kuba musinsimi. Ta kali kuyanda kuba wiimpene kuzwa kuli babunyina, pele wakali andeene. Leza waka mubamba obo

mbwa bede. Taakwe umbi wakali kukonzya kubweza busena bwakwe.

¹⁰⁷ Taakwe ukonya kubweza busena bwako, takukwe makani mboli muniini. Inga wati, “Ndili mukaintu buyo waang’anda.” Taakwe ukonzya kubweza busena bwako. Leza, mu buvubi Bwakwe bupati, wa kabikka boobo, Mubili wa Kristo, mu ncililano, mane taakwe umwi ukonzya kubweza busena bwako. Obo mbo Ndi yanda kubweza busena bwa Billy Graham, kufumbwa wesu to bakutausi, pele ta tukonzyi kucicita; pele, amuyeeye buyo, Billy takonzyi kubweza busena bwesu. Mwabona, toonse tuli jisi busena, tobavangeli bamwi, basinsimi bamwi, bamayi bamwi, beembeli bamwi, kufumbwa mbo tubede; maanda amwi, bupange bumwi, balimi bamwi, kufumbwa mbo cibede, Leza waka kubikka mu busena bwako. Mwabona?

¹⁰⁸ Josefa wakali musinsimi. Ta kakonzya kugwasya nkaambo wa kali kukonzya kupandulula ziloto. Ta kakonzya kugwasya nkaambo kakuti wa kabona zilengaano. Amulangilile obo mbwa kali bwini. Tacikwe makani na cakamutolela luswaanano lwakwe a babunyina bakwe, wa kali kasimpe, nkaambo wa kasyoma ziloto ezyo. Wa kasyoma ceeco, ciloto nca kajisi, kuti bonse bayo mtotamina, maila aiyo cita. Ca kacitika nkaambo wa kacisyoma. Wa kali musyomi wini. Buti. . .

¹⁰⁹ Ndi jisi maminiti osanwe; a mapeegi ali kkumi, amubone lino, amubone, aa Lugwalo lulembedwe awa. I mwanakazi. . .

¹¹⁰ Nataniyeli, wa kali musyomi. Sa mbo mbubo? Nataniyeli, cindi na kabona eco caka citika; nkabela caka beleka ali nguwe, kuti Jesu waka mwaambila kuti wakali ni, a kuti wa kali ii—mu “Israyeli winiwini,” alimwi kwakanyina “luuni” muli nguwe, a kumwaambila oko nkwa kabede buzuba kabutana, “kakomba kungsi lya cisamu.” Wa kamubona cindi—cindi Filipino naka mwiita. Wa kali musyomi.

¹¹¹ Kuli banji baimvwi awo, bakati, “Oyu muuya wa dyabulosi. I dyabulosi ulacita kuponesegwa kwa Buleza.” Oyo dyabulosi mukulukulu tana kufwa pe sunu. Ba syoma kuti dyabulosi ulacita kuponesegwa kwa Buleza.

¹¹² Jesu wakati, “Ikuti na Saatani wakonzya kutanda Saatani, nkokuti bwami bwakwe buli abawidwe, nkabela bwami tabu konzyi kwiima.” Mwabona? Saatani wakati, mu i. . . Ta konzyi kucicita. Aboobo, Saatani takonzyi kutanda Saatani.

¹¹³ Aboobo Nataniyeli wakali musyomi. Elyo cindi na kabona Ijwi lyakaba mu mubili wabuntu, lyakasimpikizigwa kuti wa kali musyomi, wa kati, “Yebo uli. . . Rabi, Yebo nduwe Kristo. Yebo uli i Mwaami wa Israyeli.” Wa ka cisyoma.

¹¹⁴ Cindi mwanakazi ku mukalo naka cibona, waa kacisyoma. Walo musyomi.

Cindi Batimeyu moofu...Cindi mwanakazi nakaboola kwiinda...

115 Bantubonse bakali kulila, kaba zumanana. Bamwi babo bakati, “Kuli coonse...Nda Ku mvwa kobusya bafu. Kuli namaumbwe iizwide mbabo kutala kuno; boola a kuba komezya. Atu Ku bone kucicita.” Mwabona, oyo dyabulosi nguonya wakati, “Ikuti na Uli Mwana wa Leza, kolailila mabwe aya kusanduka kuba cinkwa.” Umwi nguonya waka bikka kalembu ku busyu Bwakwe, ka Mu uma aa mutwe, kati...kainda kasamu, komwe kuli kumbi, kati, “Lino, ikuti na Uyo twaambila oyo wa Kuuma, tuyo Ku syoma.” Balo basilumamba, mwabona, kaba Mu fubaazyu. Kwa kaboneka kuti kapapa ka kkaardi kakali ansi, ali Nguwe.

116 Pele amuyeeye buyo, Leza lyoonse uli aa cilao. Mwabona? Uli mpoonya alya kalibambilide, kufumbwa ciindi.

117 Lino Jesu wakati, “Nda konzya kukanana kuli Taata Wangu elyo mpoonya awo Wa kali ku Ndi tuma malegioni ali kkumi aabili aa Baangelo.” Oh, ino inga Angelo omwe wa citanzi? Mwabona? Pele, nywebo mwabona, pele Wa kali kukonzya kutuma ma legione ali kkumi azibili kukulailila Kwakwe. Pele Wa kajisi mulimo wakucita. Wa kajisi cintucimwi cakucita. Wa kacita kwiinda muli ceeco.

118 We elede kucita cintucimwi. Leza weelede kukucitila cintucimwi. Kwayanda inga kono jisi kucisa kwa moyo a mapenzi amwi, kwayanda inga kojisi kupyompwa, pele sena tupaila ku zitantamuka? Peepe. “Mwami, ko ndiinyza muli nzizyo, kufumbwa mbo zibede. Kufumbwa mbo zibede, uta ndilekeli kuzi loboka. Ikuti na baka ndibambila, kundipa buyo luzyalo kwiinda muli ceeco. Kwa mana.”

119 Lino amubone, Batimeyu moofu, wa kalizi, kuti ba kaambilwa kuti, “Oyu ngo nguwe Musinsimi waku Galilaya. Walo Mwana wa Davida. Tula cisyoma.” Bamwi basyomi bakeelede ku mwaambila ceeco. “Swebo tobasyomi tulizi kuti Ngu i...oyo Mwana wa Davida.”

120 Elyo wa kalizi, ikuti na Mbwa kabede, Wa kali Ijwi. Elyo ikuti na kalizi kuti Wa kali Ijwi, wa kalizi kuti Wa kali kukonzya kutweluka miyeeyo ya moyo, aboobo wa kalila, “Yebo Mwana wa Davida, kondi fwida luse.” I basikutasyoma bakali koongolola *eci*, a *eco*, mamembala aa mbungano. Eco tii cakaima Bartimeyu moofu pe. Wa kati, “O Jesu, Yebo Mwana wa Davida, kondi fwida luse!”

121 Antela Ta kakonzya kumumvwa. Pele Wa kalizi kuti wakali kulila, elyo Wa kaima a kucenguluka. Kwakali musyomi. Wa kati, “Lusyomo lwako lwa kufutula.” Ameni.

122 Wa kaamba eco ku mwanakazi waka jisi kuzwa bulowa, cintu nciconya, “Lusyomo lwako.”

123 Nkaambo, waa kaamba mukati ka moyo wakwe, “Ikuti na Nda konzya kuguma cikobela Cakwe, Njo ponesegewa.”

“Lusyomo lwako lwa kufutula.” Mwabona, waa kali musyomi.

124 Eco nce cintu nciconya caka futula William Dauch, kakkede alya, buzuba bumwi, a kukakilwa kwa moyo kumaninide, a kulwanwa kwa moyo, i muntu wa myaka iili makumi aali fuka aumwi yakukomena. “Lusyomo lwako lwa kufutula.” Nkaambonzi? Walo musyomi.

125 Mufundisi Tom Kidd awa, akwalo kanjila muli wakwe... kutandila, Nda yeeyela, kulaale mu myaka iili makumi aali fuka eno, yakukomena, muni kuli ncico. Elyo cindi nakali a myaka ili makumi ali ciloba afuka yakukomena, baka mutola ku cibbadela kajisi kkulenge lya prositeti. I dokotela waamba, “Ta jisi ciindi ceelede.”

126 Pele cindi ni twa keenda cifumo eco, kabona sikale oyo muniini a shawelo atala lya makuko akwe, kakkede alya, kauma mufunko muniini, wa kali kutandila kunyongana mwini. Wa kati ku mwanakazi mucembele kakkede alya, wa kamwiita kuti banene; kali muzyi, umwi wa mamembala akwe kwa myaka. Kati, “Yebo uboneka kutuba mbuli caanda,” kwiindilila kuyeeya kwakwe kwa mizeezo.

127 Nekubaboobo, cindi Nguzu zya Leza nizya kauma kaanda, ula pona sunumasiku. Eyo yakali myaka yone yakainda. Ii mwaalumi wakali kutandila myaka ili makumi ali lusele yakukomena, elyo ngooyu uli kkede sunumasiku, kalimvwisya kabotu cakulondoka a kuba kabotu, kuzwa ku kkulenge. Mwabona, kutali sikuli-cengeezya; musyomi! Nce ncico, syoma! Ula mubweza Leza ku Ijwi Lyakwe.

128 Mbubonya mbuli Batimeya moofu mbwa kabede. Boofu, pele nekuba wa kalizi, ikuti na kali kukonzya ku kwelelezya kumvwa kwa Jesu Kristo, inga nakajana eco ncakali kuyanda.

129 I mwanakazi wakalizi, ikuti na waa kali kukonzya kuguma cikobela Cakwe, inga nakajana eco ncakali kuyanda—nca kali kuyanda.

130 Tom wakalizi. Wa kajisi lusyomo, ikuti na inga Nda mukombela, inga wacita eco ncakali kuyanda.

131 Sa olo taluli lusyomo ndulonya Marta ndwa kaamba, “Nekuba lino, Mwami, kufumbwa cintu Nco lomba Leza, Leza uyo cicitila Nduwe; mukwesu wangu uli lede kulaale, kafwide, mazuba one mu cuumbwe; pele Ko lomba buyo Leza, nkabela Leza uyo cicitila Nduwe”?

Kati, “Munyoko wako uyo buka alimwi.”

132 Elyo waa kati, “Iiyi, Mwami, mu mazuba aakumamanino, ku bubuke, uyo buka. Wa kali mulombe uli kabotu.”

Wa kati, “Pele Ndime bubuke obo a Buumi!”

“Iyi, Mwami, Nda syoma eco, ambebo.”

“Nkukuli nkomwa kamuzikkila?” Nce ncico. Ca mana. Iyi, munene.

¹³³ I namalelo waku Musanza wakasika mu nzyalani eyo ya batasyomi, mbo mbubo, a kwiima awo a kusyoma eco nca kabona kuba ca Leza. I Bbaibbele lyakati, “Uyo buka ku buzuba bwamamanino, a nzyalani eyo, a kwiipa mulandu, nkaambo waa kazwa ku zibeela zili kulaale zya inyika kuzo mvwa busongo bwa Solomoni.”

¹³⁴ Musa wakali musyomi. Nekubakuti wa kasola kunzila yabupampu, wa kasoleka mancenjela oonse nga kali kukonzya, pele tii cakakonzya kubeleka. Wa kasola kugwisya Israyeli, kalizi kuti wakaitwa kucicita. Wa kasola nzila ya mathamatikisi. Wa kasoleka nzila ya lumamba. Wa kasola nzila ya lwiiyo. Wa kasola nzila zyoonse, pele tii cakabeleka. Pele mpawo wa kabweza nzila ya Leza.

¹³⁵ Ncinzi cacacitika? Kwakali Mulilo aa citeo kutala okuya, buzuba bumwi, oyo watakali kuzwa. Kuzwa awo Ijwi lya kaambaula kuli nguwe, a kuti, “NDIME.” Kutali, “Nda kali,” na, “Njo oba.” “NDIME.” Elyo Walo uucili “NDIME.” Walo ndi Ijwi, Litamani, Ijwi liteeli.

¹³⁶ Musa taka zumbauzya. I buyumuyumu bwa ku mulwana, bulenge boonse bula mu lwana, zintuzyonse zila mulwana. Pele, kasamu kapilingene mu janza lyakwe, wa kaselemuka a kutola cisi coonse, kakanyikizya mu Lwizi Lufwide okuya, a kutola Israyeli ku nyika ya cisyomezyo. Nkaambonzi? Wa kasyoma Leza. Mbubo. Wa kajisi ii. . .

¹³⁷ Oyo musyomi. Inga twa kkala. . . Lino Nda kakkala cisela ca oora mu basyomi.

¹³⁸ Jisi misela imbi yobilo. Tula binda muli njiyo, nkaambo tai yandikani loko, nekuba. Peepe.

¹³⁹ Mpawo, wabili, mpaawo eno kusika sikutasyoma. Antu kanane sikutasyoma utobela. Ino sikutasyama ucita nzi?

¹⁴⁰ Tula bona musyomi (inzi?) utambula Ijwi; mukowa aumwi, nzyalani aimwi, kuzwa ku lweendo lonse lwa Nowa, lweendo lonse atala. Inga twa bweza myeezi ili cisambomwe ya lubukulussyo mpoonya awo, kubwezelela ziimo. Bala syoma. I musyomi ta buzyi. I musyomi ula Li syoma, kutalangnyaya obo mbo Li mvwika na eco umwi umbi ncaelede kwaamba kujatikizya Ndilyo, obo mbo Li boneka kutakonzeka.

¹⁴¹ I musyomi ula Li syoma, ulasyoma (inzi?) Ijwi. Kutali kansiyansiya; Ijwi! Kutali kabungwe; Ijwi! Kutali eco muntu umwi uumbi ncaamba; eco Ijwi nco lyaamba! Lino, amuyeeye, oyo musyomi. I musyomi ta buzyi mubuzyo. I musyomi taambi kuti, “Mbobuti mbo cikonzya kuba? Ikuti na Nda konzya ku Ci

pandulula!” Oyo ngo sikutasyoma. Uh huh. Walo musyomi, kuti, takukwe makani obo mbo Ci bede, “Ikuti na Ndi Ijwi, Ndi Ijwi! Obo mbwini.” Oyo musyomi.

¹⁴² Lino sikutasyoma. Lino tula bona eco...Tuyo bweza batasyomi. Tu jana kuti bakacita kabotu kufumbwa kuti bakaumaumauma kusule a kwiita basikwiiya. Kufumbwa kuti (balo) zintuzyonse zyakaunka kabotu, bakali kabotu. Pele cindi oyu Musinsimi ngo bakasyoma kuba musinsimi, alimwi wakaziba kuti wakali nguwe, oyo wakali kukonzya kuponya balwazi, azimwi zimbi, ncinzi Nca kacita? Cindi Kasimpe keni a kutapatilwa kwasika, kwiimpana kuli ceeco nco bakali kusyoma, teeba kakonzya kutambula Ijwi.

¹⁴³ Ba kali kukonzya kutambula maleele, nkabela ba kaacita. Ba kaunka anze a kuyo tanda madaimona, kakambauka Ijwi, elyo nekubaboobo basikutasyoma. Matayo 10, Wa kabatuma kumasena, bobilo a bobile, bali makumi ali ciloba, nkabela baka tanda madaimona, cakuti Jesu wakatangala, a kuti, “Nda bona Saatani kawa mbuli mumuni kuzwa ku Julu.” Mwabona, baka tanda madaimona; Judasi kali ambabo ncobeni. Mpaawa kwaboola batasyomi.

¹⁴⁴ Pele Jesu mbwa ka talikila buyo kwaamba kuti Wa kali cintucimwi, kuteeti Wa kali “bubuke,” Wa kali “Buumi.” “Ino inga waamba nzi ikuti na wabona Mwana wa muntu katanta kuzwa oko Nkwa kazwida?”

¹⁴⁵ “Lino, oyu Muntu kasola kwaamba kuti Wa kazwa ku Julu, eco caindila maningi kuli ndiswe. Ta tukonzyi ku Ci syoma.”

¹⁴⁶ Wa kati, “Ino ncinzi? I mubili oyo ngo ambaula, taakwe ncougwasya. Walo Muuya uupononosya.”

¹⁴⁷ Nceeco we. I Muuya ula pononosya Ijwi. Walo Muuya, kutali kansiyansiya. I Muuya, wa Muuya Uusalala, ula pononosya Ijwi kuli nduwe, a kuba muumi, elyo nceeco we, nywebo mwa cibona. Ku lusyomo mula cibona. Nywebo mulizi kuti cili boobo nkaambo Ijwi lya kaamba obo, alimwi Muuya ula pononosya Ijwi kuli ndinywe. Nceeco we.

¹⁴⁸ Lino Wa kati, “Ino...” Elyo mbo twa kacitila ceeci buyo, tu jana kuti, batasyomi, cindi waamba cintucimwi ncoba tazuminani aco, bala kusiya atuba. “Nse kocita buya!” Oh, oko kuba kulema kupati mu inyika asunu. Kutalika a kwaamba cintucimwi... .

¹⁴⁹ Bala bungana mukati. Ndila bona mu miswaangano kababuungana mukati, mabunga mapati, nkabela waimikila, akutalika kwaamba cintucimwi. Lino, kufumbwa kuti... .Ba kakkala buyo alya, kabalangilila buyo, kulindila buyo. Mpawo mbota kaamba buyo kuti, “Lino, Jesu Kristo wakalizibya Mwini mbuli Mesiya, nkaambo kakuti Wa kali Musinsimi,” eco cijaaki ca zula, ca unka. Muntuumwi...elyo ngooyo baunka. Ino ncinzi? Batasyomi!

150 Lino yebo wati, “Uli mukupanga ceeco.” Nseli obo. Nda amba mbubonya eco Bbaibbele nco lyaamba awa.

151 Ba kali basikutasyoma, alimwi bakeenda kuzwa. Nekubakuti bakali basikwiya, pele ca—ca kaliimpene kuli eco. . . Ba kati, “Oyu, nguni ukonzya kusyoma cintu mbuli Ceeco?” Mwabona? Ba kali ba Farisi a ba Saduki bakazwa, bakasangana a kunjila antoomwe a Nguwe.

152 Nkaambo, mwabona, cindi i—cindi cigambyociinda catondezegwa, ci leta zikozyanyo zyotatwe zyandeene. Ca kacita kunselelo mu Egepita. Ca kazyala sikutasyoma, musyomi, a sikuli—cengeezya. Ca kacita makkilasi otatwe. Ka lembwa awa, mane tu zumanana buyo amu busiku bonse, ku cipandulula, nzila mbo cibede. Masena oonse, mula cijana, mula babona botatwe. Lyoonse nzila eyo, mwabona, mula bajana.

153 Lino amulangilile, aba bali makumi ali ciloba, ba keenda kuzwa nkaambo tii Lya kazuminana aceeco nciba kasyoma kuba ciluleme.

154 Ta tujisi muyeeye uboola. Nceeco Nca kaamba! Ko kukaka kuyeeye kwako. Ko amba buyo eco Nca amba. Oko nkuzumina ncobeni. *Kulyaambilila* caamba “kwaamba cintu nciconya.” Ikuti na Nda lyaambilila kuti cintu cimwi cacitika, Nda amba cintu nciconya eco cakacitika. Obo mbo kulyaambilila kwini. “Elyo Walo Mupaizi Mupati waku lyaambilila kwesu.” Mwabona? Kwaamba cintu nciconya Leza nca kaamba, mwabona, eco cicibamba kululama, nkaambo u loolola buyo Ijwi lya Leza.

155 Lino amubone, bali makumi ali ciloba bakeenda kuzwa. Ncinzi ncoba kacita? Elyo ba—ba kazwa nkaambo teeba ka—teeba kazumina. Busongo bwabo—bwabo, bumembala bwabo—bwabo bwa ku mbungano mboba kajisi, bwakali—bwakali bunji loko. Eco cakali maningi kuli mbabo kuyeeya, kuti oyu Muntu wiimvwi awa, oyo i. . . Bantu bonse bamwi baka syoma kuti Oko nkuzyalwa kwa musokwe. “Ta kajisi nguzu zya kwiita Leza Mwini. Elyo Wa kali muntu buyo.” Kati, “Ta Ku umi mabwe nkambo ka milimo Njo cita, pele tu—tu Ku uuma mabwe nkaambo Yebo, mukuba Muntu, ulibamba kuba Leza Lwako.”

156 Elyo Ijwi lyakati Wa kali Leza. “Zina lyakwe liyo tegwa ‘Sinkuta,’ ‘Sibwami wa Luumuno,’ ‘Leza Singuzu,’ ‘Taata uteeli.’” Ngaonya Magwalo abo ngo bakali kubala!

157 Elyo mbubonya buzuba mbo bakali kwiimba Ntembauzyo, Ntembauzyo 22, “Leza Wangu, Leza Wangu, nkaambonzi Wa Ndi siya? Oonse mafuwa Angu ba Ndi dunamina.” “Taakwe cifuwa comwe ciyo tyolwa.” I lwiimbo ndulonya olo ndo bakali ku loolola mu tempele, awo kwaanzika Cituuzyo kukwiila ngaonya majwi ayo Davida nga kaamba myaka iili myaanda ya lusele, alimwi wakali moofu loko ku cibona.

¹⁵⁸ Elyo, sunu, nguwenya Leza oyo wakaamba zya bukkalo obu buli aa cilao kacita mbubonya eco Nca kaamba kuti Uyo cita, alimwi bali ofweede loko ku cibona. Abo batasyomi. Ba keenda kumbele a kwaamba, “Oh, Nse konzyi kusyoma zintu mbuli Ezyo. Nsena mwide zya Ceeco mu buumi bwangu!” Taku bambi lwandaano lumwi kuli ceeco nco kamvwa. I Bbaibbele lyaka Ca aamba kucitika okuno, nkbela ndi Ijwi Lyakwe.

¹⁵⁹ Teeba nalimvwa Eelyo, akwalo, pele Lya mbububonya buyo. Mwabona? Mbo mbubo. Ba kali batasyomi.

¹⁶⁰ Mbubonya mbuli Eva mbwa kabede, waa kali mukombi loko, mubwini, aboobo, pele ta—ta kasyoma Ijwi lya bwini. Elyo waa kacita kulibamba bukombi mwini, aboobo waa kabamba matu a mukuyu, mwabona, pele tacika beleki. *Bukombi* caamba “civumbyo.”

¹⁶¹ Kaini wakacita cintu nciconya. Kaini takali kukonzya kusyoma kuti Eco cakali luleme. Wa kati, “Leza ulasalala, Leza ula njoloma, alimwi Leza mubotu. Aboobo Ndila lijanina malubaluba, alimwi Njo bweza i—i malubaluba alimwi Njo panga cipaililo, cipati cibotu, elyo Ndiyo—Ndiyo tondezya lulemeko lwangu kuli Nguwe. Njo ima kumbele lya ncico, nkabela Njo kotama kumbele Lyakwe akukomba oyo Leza. Elyo Njo bikka malubaluba aa cipaililo, nkaambo, nywebo mulizi, bataata a baama bakalya maapele amwi, mucelo umwi, mu muunda wa Edeni, elyo nce cintu caka ndigwisa. Elyo aboobo, nkuti, Ndiyo joka, nkaambo Njo cibamba kweebeka. Leza takonzyi ncobeni kukaka cikombeleo cangu cipati. Baa, Njo oba mupati loko wa cikombelo cipati! Njo cilondola loko kusikila cika kwelelezye kumvwa kwa Leza.” Saatani ngo nguwe oyo ukkala mu bweebesi. Obo mbombubo ncobeni Lugwalo nco lwaamba.

¹⁶² Ako nkekaambo, ziindizimwi, mwanakazi mubotu ngu namola wa Saatani. Ikuti na wakonzya ku mujata buyo, ula konzya kupilinganya bantu banji mu gehena kwiinda mbwa kali kukonzya a mabbayaholo onse mu cisi. Mbo mbubo. Mwabona? Na, mubotu, mwaalumi umwi mubotu uutakonzyi—uutakonzyi kwiimikila mu kasimpe kakwe ca bwaalumi, mwabona, alubo, ula konzya kubbutukizya banakazi kuli dyabulosi, a kubatuma ku gehena. Iiyi, munene.

¹⁶³ Amubone, Saatani ukkala mu bweebesi. Ino wa kasola kucita nzi ku matalikilo? Kubamba bwami bumbi bubotu kwiinda bwakali bwa Mikayeli; kanjila kunyiika, nkabela wakaunka abunji bwa Baangela antomwe anguwe.

¹⁶⁴ Mwabona ino wakali—wakali mwana wani oyo mpawo, waka jisi bupange muli nguwe? Mwana wa Saatani. Nincobeni, wakali boobo. Lino wa kayaka cipaililo, nkabela waka fugama aansii elyo wa kakomba. Wa kaina mu zintu zyoonse ezyo (Kaini) ezyo Abela nzyaka cita.

¹⁶⁵ Pele Abela wakalizi kuti tii cakali boobo. Wa...Bwakali bulowa bwaka bagwisya. Wa kalizi kuti cakali ncico. Ca kali nkwela, bulowa. Aboobo wa kabweza munyama muniini, a kwaa tuula aa mwaala, a kudinkaula nsingo yayo.

¹⁶⁶ Amubone Kaini, wa...Leza waka mwaambila, Wa kati, “Nkaambonzi to kombeli mbuli munyoko wako, nkabela uyo cita kabotu. Uyo cita ee ikuti na uyo cicita eco.” Pele, peepe, wa kalizi kunji kujatikizya ncico. Mwabona, wa kakaka citaanzi, Ijwi lyaka simpikizigwa. Ikuti na tabali bana bakwe sunu! Mwabona?

¹⁶⁷ Lino amulange, “Leza waka lungulula,” Bbaibbele lya kaamba. Bahebrayo cipati ca 4, na chipati ca 11, “Leza kapa bumboni ku cipego Cakwe, kuti wa kali mululami.” Leza waka simpikizya cipaizyo cakwe. Leza wakapanga cizibyo kuti eco ncencico Nca katambula; eelyo lyakali Ijwi Lyakwe, bukanze Bwakwe.

¹⁶⁸ Elyo kaambila Kaini, kati, “Kocita cintu nciconya, a kupona.” Pele sena muyeeya kuti inga wacita, inga naka sweekelwa muzeezo wakwe? Peepe, munene. Wa kali sikutasyoma, alimwi wakeenda ncobeni kuzwa. Mbo mbubo. Kaini wakacita cintu nciconya. Nimurodi wakacita cintu nciconya. Batasyomi! Ta kasyoma pe.

Beteshazara, cintu nciconya, nekuba, na... .

¹⁶⁹ Nebukadinezara, nekubakuti kajisi Daniele mbuli kaleza kakwe, ka mwiita kuti Beteshazara, eelyo lyakali zina lya leza wakwe, kabona Daniele kacita milimo mipati ya Leza. Elyo mpawo wa kaziba kuti—kuti Beteshazara wakali kusyoma, na kuti Daniele wakali kaleza, aboobo wakapanga cinkozya kuli nguwe, a kuyakila alya akucitya muntu onse ku cikomba, abumwi bumbi. Mwabona, bwami bwa Bamasi bwaka njila a kusungilizya bukombi bwa muntu uusalala, alimwi bwami bwa Bamasi bulazwa a kusungilizya cinkozya ca muntu uusalala, mwabona, nzila njiyonya.

¹⁷⁰ Elyo kwakali bulembo aa bulambo, bwa myaambo iitazizilwe, ku matalikilo aa bwami bwa Bamasi, kuti taakwe umwi wakali kukonzya kubala cita musinsi oyo. Elyo kuli bulembo aa bwaanda sunu, mbo mbubo, “Ichabodi,” kuti bulemu bwa Leza bwazwa ku zintu. Elyo bulembo buli aa bwaanda alimwi bulakonzya kubala kwiinda ku mizeezo ya kumuuya eyo iisyoma mu zintu zya kumuuya, waka zyalwa ku Muuya wa Leza.

¹⁷¹ Beteshazara mudaala waunka kubusena a kabweza zilongo ezi zya Mwami, kunywa waini muli mbabo. Nkaambonzi? Wa kali sikutasyoma. Wa kayeeya kuti wakali musyomi, pele wa kali sikutasyoma. Mwabona, nce ncico, wa kaunduluzya Ijwi.

¹⁷² Ahabu, wa kali sikutasyoma, nekubakuti wa—wa kalilemeka mbuli mbwa takali obo. Peepe, peepe, wa kali akati ka basyomi, pele wakali sikutasyoma. Ino wa kacita nzi? Wa kakwata

sikukomba mituni, aku bunjizya, bukombi bamituni, moonya muli Israyeli. Wa kali sikutasyoma. Tu lizi obo.

173 Bala kaka coonse ca Ijwi lya Leza kuba bwini. I sikutasyoma ngwa, mwabona, lino amuyeeye, ngu sikuupaupa. Elyo wa—wa kacita boobo, wa amba kuti ula Li syoma, kakuli ula Li kaka. Wa kati, “Ee, bunji Bwalyo bwalyo buli kabotu.” Pele ikuti na koonse kwa neico tacili kabotu, mpawo eco cimubamba kuba sikutasyoma. We elede kusyoma kabala konse kazila koonse, a zintuzyonse zya kaambwa Omya. Ceelede kuba a bwini. Ikuti na Tacili ca bwini, ikuti na waamba lino kuti, “Nse syomi Ceeco,” ee, mpawo uli sikutasyoma.

174 Ngooyo mulombwana wa kaamba kuli ndime, ciindi cimwi, i—i mukutausi wakati, “Ta ndikwe makani, Ba. Branham, mbangaye bantu mbo konzya kuleta eco—eco nco kaamba caka ponesegewa, inga tii Nda cisyoma.”

175 Nda kati, “Peepe ncobeni, to konzyi ku cisyoma. Nduwe sikutasyoma. Tii cakali cako. Nca basyomi buyo.”

176 We elede ku Ci syoma. Mwabona? Elyo taba Ci syomi. Aboobo cindi wabona muntu muli ceeco, ee sa Paulo waka kanana zya (musinsimi), kwaamba kuti bayooba “basikainya, basikulisumpula, basikuyanda misaalo kwiinda basikuyanda Leza; kajisi ziimo zya bukombi, pele kukaka Nguzu kuya, Nguzu zya Ijwi; kuzwa kuli bali boobo kofutata.” Amubone, bala kaka coonse ca Ijwi, pele mu ciimo coonse cabukombi. Balo mbasikutasyoma mu Ijwi lya bwini, nekubakuti Lya simpikizigwa.

177 Monse mu bukkalao abumwi, Leza waka simpikizya Ijwi lya bantu aba Mbe kanana, Nowa, abamwi kuselemuka muli Musa, a boone basinsimi, abamwi. Leza wakakanana kwiinda mu cigambyociinda a kusimpikizya Ijwi, elyo nekubaboobo bantu abo bakeenda nkoonya kuzwa ali Ndilyo.

178 Elyo mbaaba basikwiiya kabaimvwi alya, balo bali makumi ali ciloba, a kulangilila Jesu kacita zintu ezyo Nzya akacita, a kuziba Lugwalo, alimwi Walo kabaambila kuti obo bwakali bukkalo bwakuti eci cakeelede kucitika. Elyo mpawo cindi Na kaamba cintucimwi, “I Mwana wa muntu! Ino inga waamba nzi?” Cindi twa talika kubaambila makani akukomona cinkwa, a zimwi, a kuzumanana kubaambila makani aa zintu, zipati zya kumuuya.

Elyo ba kati, “Oh, Oku nkwaamba kuyumu!”

179 Wa kati, “Ino uyo amba nzi mpawo ikuti, Mwana wa muntu, mula Mu bona katanta kuya ku Julu oko Nkwa kazwida?” Kati, “Sa walo mubili, na sena walo Muuya, oyo uupononosya?” Mwabona?

180 Elyo mpawo baka tantamuka, kati, “Oh, Eco, peepe, Nse konzyi kusyoma Ceeco.” Mwabona? Ba leenda nconzyo, aa Ijwi.

Taba kakkalai akwalo kubona eco cicitika. Oyo ngu i—oyo ngu skutasyoma.

181 Balo, ino bacita nzi mpawo? Tu jana kuti balo, kuti aba bantu, basyomi aba, bategwa mbasyomi, pele mu ziimo zya bukombi, nkabela bala kakilwa kubona Bwini bwatondezegwa ibwa Ijwi Iya Leza nkaambo Ci Iwana eco ncoba syoma. Mwabona?

182 Ta cibambi lwandaano luli loonse eco nco syoma, obo mbosyomeka, obo mboli mukombi, na, eco tacikwe cintu comwe cakucita kuli ncico. Kusinizya, baa, eco tacikwe cintu cakucita a ncico. Nda kabona bantu kaba sinizizye kapati! Nda kabona bahedeni kabaumpa bana babo, kuba sanizya ku zisyango, bamatumbu a bavwanda babo. Oko nkumwi kwiinda Munakristo mbwanga wacita. Mwabona? Cakusinizya bala syoma, mukusinizya, pele cakali lubide cakusinizya.

183 Bantu balati, “Ee, eyi mbungano yaima!” Kutu, uli lubide cakusinizya, ikuti na ciliimpene ku Ijwi. “Ee, lino amulange, Nse syomi mu cintu cili boobo!” Cindi, Bbaibbele Iyakati Ca kali boobo, nekuba! Mwabona? “Nse syomi kuti tweelede kucita *Ceci*.” Ta ndikwe makani eco nco yeeya kuti toelede kucita. Leza wakati ceelede kucitwa.

184 “Ezi zitondezyo ziyo batobela.” Kule buti? “Ku inyika yoonse.” Bani? “Ku zilenge zyoonse.” Mwabona, ciyooba! Lino, kuyooba, ci yooba!

185 Elyo oyu Mulumbe wa oora ndyo tubotelwa eno, Busyu bwa Leza, buzuba bwamamanino, ciindi caku mangolezya cindi Mimuni noimweka, a zintu zyaka juka, a Ijwi Iyaka simpikizigwa a kutondezegwa kuba Bwini; balo bakasinsima, ka citika, zyonse kwinda muli zyasayaansi a zintuzyonse, katondezya kuti Mbo cibede, “Jesu Kristo mbobuca nguwenya, amuya myaaka.” Elyo, muntu weenda kumbele ali Ceeco, ngu—ngu sikutasyoma. Ula indilila ku bulangizi. Uli sicinywe kwiinda ku nguzu zya Saatani, aboobo kwiina bulangizi kuli nguwe. Ula indilila ku bulangizi.

186 Lino eco ncinzi? I musyomi; eno sikutasyoma; lino kkilasi yatatu, tu kanana makani, nja sikuli-cengeezya. Oyo mulombe, sikuli-cengeezya! Lino, amuyeeye, omuya kwakaimvwi botatwe boonse. Lino, tula jana lino, bala cita mbubonya mbuli wisi wabo mbwa cita, Judasi.

Kwakali Petro a bamwi baapostolo, basyomi.

Kwakali bali makumi ali ciloba, batasyomi.

187 Elyo ngooyo Judasi, wakali kulengelela mpoonya awo, wa kali musyomi sikuli-cengeezya. Ino bacita nzi? Oyu ngo musyobo oyo usamide kusikila bala konzya kujana cintucimwi, kampenda muli Ndilyo. Ciindi cose bayandaula kujana bulubizi bwakuyubila, kubona nzila mbo cicittwa, kubona kuti na

nkooze, ikuti na nkukwelelezya kwa lweeno. Ba lindila kusambalwa. Ba yandaula ceeco.

¹⁸⁸ I sikutasyoma, ta lindili kubako nokuba. Ula Li sampaula, a kweenda kuzwa.

¹⁸⁹ I musyomi, takukwe makani eco cicitika, ula Li syoma, nekuba, nkambo Ndi Ijwi.

Njeeyo misela yanu yotatwe.

¹⁹⁰ I sikutasyoma mudaala uyo enda kuzwa, aa cintu citaanzi eco caambwa, ta yandi kujatikizya ncico. Mukwesu, uyo sowa bube bwakwe mpoonya awo. Ngu sikutasyoma. Paulo wakati, “Ba kazwa kuli ndiswe, nkaambo tee bakali besu, ku matalikilo. Ba katalika a ndiswe.” “Oh, wa kazuza kabotu; ncinzi caka kusinkila?” Mwa cibona? “Ba kazwa, nkaambo tee bakali besu.” Cindi babona Ijwi ka kali zumanana kweenda kabotu, baa, bakali kuyanda kujana musyobo umwi wa mancenjela ngo bakali kukonzya kubeleka. Mwabona?

¹⁹¹ Pele basyomi beni taba buzyi cintu. Kuli lembedwe mu Ijwi, alimwi bala Li syoma, elyo bala zumanana buyo. Nce ncico. Lyoonse, kuli lembedwe. Ikuti na ta cilembedwe, baa, amu tantamuke buyo kuzwa kuli ncico, takukwe makani eco cicitika. Ce elede kulembwa. Mwabona? Elyo bala bona Ijwi eelyo lilembedwe nkabela bala Li syoma. Elyo bala bona Leza keenda mu Ijwi Lyakwe, kubona oora, Mulumbe, ciindi, nkabela beenda a Nguwo.

¹⁹² Mbuli Mbwe amba kuseeni okuno, obo Pilato mudaala mbwa keenda acibuye, busiku obo, a manjezeezya akwe kauside, kasola kuli salazya mwini. Elyo wa kati, ma, cakuti taakwe kuzumbauzya wakaita ciindi ca masiku, kati, “Nda—Nda—Nda sanzya maanza angu, busiku boonse, elyo Nse na kumvwisya. Mwabona, taba salali. Nse konzyi kuunka kuyo Mu swaana; Ndi jisi Bulowa aa maanza angu.” Oh, ma! Mwabona, mutabi a mulandu wa ceeco. Mwabona?

¹⁹³ Cili mu maanza anu. Kuli nzila yomwe biyo njo konzya ku Ci mvwisya; nkuti, ko Ci tambula, mbo mbubo, koba cibeela ca Ncico. Nke kaambo nco Bwa katililwa.

¹⁹⁴ Lino, sikuli-engeezya ula lengelela koonse a kulilemeka buyo mbuli mbwa konzya, pele kungsi kwa moyo wakwe uli mukusola kujana eco—eco cili, yebo, nzila mbo cicitika. Oh, ikuti na cisi tacizwide cibeela eco, ca basikuupaupa! Inzya. Oyo ngu Judasi. Obo mbombubo ncobeni. Cila lengelela koonse, ciba cibeela ca nkamu; wa kali muyobozi, mwabona. Uli imvwi koonse, lyoonse uli jisi janza lyakwe lya mali. Inga wa ciziba eco, cintu comwe, lyoonse uzela nswi nkambo ka mali, alimwi janza lyakwe litandabikila ceeci. Elyo walo musyomi sikuli-engeezya. Ula lilemeka mbuli musyomi, pele kungsi kwa moyo wakwe . . .

195 Mula yeeya, ta kali kulicenga Jesu. Kumane kusiya bali makumi ali ciloba, a basyomi baka bamba kwiima kwabo; elyo Wa kavuulukila ku basyomi, Wa kati, “Kucili cintucimwi muli nduwe,” ca kati, “Nda kasala bali kkumi ababili, elyo umwi wanu ngu dyabulosi.” Jesu wakalizi, kuzwa ku matalikilo, nkambo Wa kali Ijwi. Wa kalizi maseseke aa moyo.

196 Obo mbo cakali ciyumu! Koima aniini. Sakana kuyeeya, kulamfu, kutonkomene! Obo mbo cakali ciyumu kuli Nguwe, kweenda nkoonya kuya, a mwaalumi ka Mwi ita kuti, “Mukwesu,” a kuziba ciindi coonse kuti oyo wakali mucengi oyo wakali kuyo sola ku Mu nyonganya, a ku Mu sambalila nsiliva zili makumi otatwe. Obo mbo cakali ciyumu ku cijata mu camba Cakwe, a mweenzinyina Wakwe keenda ambali awo. Akwalo Wa kati, “Mweenzuma,” wakaita Judasi mweenzinyina Wakwe, “sa tii Nda kali a nduwe, ciindi eci coonse?” Mukuziba mu moyo Wakwe, elyo tikwa kakonzya ku caamba. Wa kalizi, kuzwa kumatalikilo, kuti wakalini eco cakali kuyo Mwaaba.

197 Ngooyo sikuli-cengeezya oyo ulindila buyo. Uyo imba eyo, kwaamba, “Oh, Nda syoma eci, alimwi Nda syoma eci, elyo Nda syoma eci. Pele, oh, nywebo mulizi, Nda kamvwa muntuumwi kaamba kuti nzya ziindi zili *boobu-a-boobu*.” Oh, mwabona, kwa ciindi cilamfu buyo a matwi.

198 Ii musyomi wini ta mvwi cintu cita Ijwi. Kwa mana. Ula lilangilila Ijwi. Ta langli bulubizi bwakuyubila. Ta langili kukwelelezya kwa lweeno. Ula syoma Leza, nkabela eco cila cibamba, elyo ula zumanana buyo kuyabuya. Mwabona? Ngooyo musyomi.

199 I sikutasyoma ulazuzya mu kaindi kaniini, elyo takonzyi kukkala kuswiilila kwa maminiti ali kkumi aa Mulumbe. Walo inga wabuka akuzwa. Ku lwana kayanza kakwe kabuzumini, alimwi ta kabi acimbi cakucita a nciico, aboobo ula unka.

200 Mpawo, sikuli-cengeezya ula lengelela mpoonya awo, oyo Judasi. Mwabona, oyo ngu mucengi. Eyo i—eyo ni mpati, ikuti na Nde elede kwaamba bbala lili boobo. Judasi, ula lengelela koonse. Eci nciindi, ciindicimwi, aba basikuli kozyanisyu bajisi mpuwo loko ku bantu. Mbo mbubo, aba basikuli cengeezya, mwabona. Bamwi babo mbantu basinguzu, bayiide, bajisi madigrii abwiiyi, kuvola kupati, zintuzyonse. Bamwi babo mbantu bapati, bacenjede, mbuli buyo bana ba Saatani mbo bayooba.

201 Amulange obo Saatani mbwa kaboola nkoonya okuya a kuzuminana kabeela koonse ka Ijwi eelyo; uli ndila buyo kujana kabeela ako kakompeme muli Eva, oko nkwakali kukonzya kutondezya nguzu zyakwe ku mucenga, ku mwaaba. Oyo wakali—oyo wakali Saatani. Elyo ngooyu Saatani mbwabede, mu ciimo ca Judasi, mu bukkalo obo. Oyo wakali Saatani mu bukkalo butaanzi. Ino wakali nzi? Kuzuminana a Ijwi kusikila

buyo kantu komwe kaniini; kali kusola kujana busena awo mpa jana bukompami.

202 Elyo nce ncico ncobeni Judasi nca jana ndyoonya lino. Uyo boola ncobeni antoomwe a muswaangano, a kulangilila nkoonya koonse kusikila wa konzya kujana ako kabata kaniini, walo, “Oh, nceeco we! Nce ncico!” Mwabona? “Oh, eyo nje nzila mbo cicitwa!” Mwabona? Obo mbombubo ncobeni.

203 Bunji bwanu mula yeeya kutala okuya busiku obo cindi oyo muntu nakazwa aa cibumbili. Wa kali kuyeeya kuti kwakali kwakwabana kwa miyeeyo mu kubala makaadi amipailo, a nzila mbwa kali kuyeeya kuti wa kali cijisi mpoonya awo. Mukwesu, wa—wa kali masimpe kuti wakali kujisi. Elyo wa kaboola kubusena. Wa kali kuzulilwa ku mbungano eyo yata syomi muli—muli aya, mu Makanimabotu, Makanimabotu aazwide. Elyo wa kaboola aa cibumbili. Nda kali katede. Ba kali kutandila kundi gusya.

204 Oyo wakali Windsor, Ontaroi. Omuya, kaboola nkoonya kuzwa—kuzwa ku United States okuya, nkoonya kuzwa ku Detroit, ku Windsor, auditoriumu mpati.

205 Elyo oyu munt wakasika okuya kasamide nsuuti ya grileyi, a tai usubila, muntu wakali kulibonya kuba mupambu, musongo mbuli peegisi. Wa kaboola ku cibumbili. Elyo Nda . . . Wa keenda kumbele. Elyo Nda kati, “Ee, ndilekele buyo kuba a janza lyako.” Nda kati, “Nda katala; Nda bona zilengaano zinji loko. Kondi lekela buyo kuba a janza lyako.” Elyo—elyo Nse kamubwene mwaalumi. Elyo wa kabikka janza lyakwe ali lyangu. Elyo Nda kati, “Munene, taakwe cintu cilubide kuli nduwe. Ko zumanana.”

Wa kati, “Oh, kuli, ambebo.”

206 Elyo Nda kati, “Ee, andi bone awo.” Nda kati, “Peepe, munene, takukwe citondezyo comwe. Peepe, munene, uli mwaalumi wanseba mbotu.”

Wa kati, “Koya ukalange kkaadi lyangu lya mupailo!”

207 Nda kati, “Ta ndikwe makani eco nco bikka aa kkadi lyako lya mupailo.” Nda kati, “Nse jisi cintu cakucita a kkadi lya mupailo,” kutali kuyeeya, nywebo mwabona. Nda kali katede akudekela. Elyo ma . . . Pele luzyalo lwa Leza, nywebo mwabona, lwaka ciliko.

208 Ula yeeya, ikuti na Wa kutuma, uli sinikizidwe ku kubamba. Ta cili kuli ndime; ngo Nguwe. Wa ka Li tuma. Nde elede buyo kwiima ali ceeco ca bwini.

209 Cindi Musa naka waala musako wakwe aansi, waka sanduka kuba nzoka, nkabela basimabibo bakacita cintu nciconya, ino Musa wakalikukonzya kucita nzi cita kwiimikila alya akulindila luzyalo lwa Leza? Kwa mana. Cintu nciconya. Wa katobela milao. Elyo mulizi eco cakacitika, embo na? Mwabona?

210 Oyu mwaalumi wakati, “Lino,” wa kati, “nkwali. Langa kkaadi lyangu lya mupailo.”

211 Nda kati, “Ee, yebo inga waba a lusyomo lunji, alimwi ndiza waka cicita,” kutali kuyeeya, nywebo mwabona. Nda kacita . . . kutali nokuba kumubikkila maanu.

212 Mpawo wakatubula bbaki lyakwe aku dukumika kaango kakwe. Wa kati, “Mpaawo we!” ku bbunga.

Elyo Nda kayeeya, “Ncinzi cicitika awa?”

213 Wa kalanga koonse. Wa kati, “Nceeco we!” Kati, “Bona sikulicengeezya?” Oyo ngu Judasi wanu, muntu mukombi, mukambausi wa kabungwe kapati. Kati, “Nceeco we! Nda kajisi ‘lusyomo lunji loko.’ Lino, uli kompeme maningi, ta konzyi kubala kukwabana kwa mizeezo. Mwabona, ta cibooli kuli nguwe limbi.” Elyo awo wa kati, “Taluli lusyomo lwangu lwakali lupati maningi.” Kati, “Nda bikka eco aa kkardi lya mupailo, elyo eno takonzyi kulijata, nywebo mwabona.” Kati, “Ayo mancenjela!”

214 Elyo Nda kayeeya, “Ino ncinzi cicitika?” Mpawo luzyalo lwa Leza lwaka seluka.

215 Nda kati, “Munene, nkaambonzi dyabulosi nca bikka mu moyo wako kusola kucenga Leza?” Ii Judasi wasunu! Nda kati, “Uli mbungano ya Kristo . . .” Mundi jatile. Ee, Nda kacicita. “Uli mbungano ya mukambausi Kristo. Yebo uzulilwa ku mbungano ya Kristo, kuzwa kuya mu United States. Elyo mwaalumi oyo uukkede kutala okuya kasamide nsuuti eyo ya bbulu, a mukaintu wako a mukaintu wakwe kabakkede awo, waka kkla ku tafule masiku ainda lya kajisi cintu ca griini ali ndilyo, ii—ii kutandabika mbuli *boobu*, elyo wabamab kuti oku kwakali ‘kukwabana kwamiyeeyo,’ nkabela wali kuboola sunumasiku.”

216 Oyo muntu wakabuka. Wa kati, “Obo mbwini busyomeka. Leza, kondi fwida luse!”

217 Nda kati, “Munene, bikka ‘TB a kkulenge’ aa kkaadi eelyo, elyo lino uli lijisi. Ndi lyako lino.”

Elyo wa kandikwempa ku kuulu kwa bulukwe, wa kati, “Nse kacita . . .”

218 Nda kati, “Nse konzyi kugwasya. Ko zumanana ncobeni. Eco cili akati ka nduwe a Leza. Wa lemba lunyonyooko lwako mpoonya a kkardi lyako.” Elyo eco caka mujata. Nkukoonse kwa ncico.

219 Mwabona, basikuli cengeezya, basikweena, basola kujana butongo bmwi kuli Leza a Ijwi Lyakwe. Abo mba Judasi. Mbe mbabo. Sa makabona Judasi mbwa kayutuka? Mwabona oyi mulombwana mbwa kayutuka? Eyo nje nzila basikuli kozyanisya mbo kucitika. Mwabona, basikuli kozyanisya, oh, bayiide loko, ziindizimwi, alimwi kazekelo kapati kaboola akati

ka Ijwi a buzumini bwabo bwabukombi. Elyo, cindi cacita, bala sambala ku kabungwe kabo mbubonya buyo mbuli sikusololela wabo mbwa kacita, Judasi. Judasi wakasambala ku kabungwe kakwe; kasambala Jesu, i Ijwi, ku kabungwe kakwe, a kwaaba Jesu Kristo nakamana kutaminina kuba cibeela ca Ndilyo.

²²⁰ Bakutausi ciindicimwi bataminina kuba balanda ba Kristo, elyo cindi Ijwi lyatondezegwa cakumaninina ku kusimpikizigwa ku buzuba obo, kuti walo Mulumbe wa oora, elyo bayo sambala kuya nkambo kampuwo, ku kabungwe kabo; mbubonya buyo mbuli Judasi mbwakacita, kwaaba Jesu kuba Farisi a ba Saduki. Oyo muuya taufwi, aboobo kuli akati ka basyomi, basikuli kozyanisyana, a batasyomi. Mwabona, oko kuli luleme ncobeni, koseluka eni a kusambala Jesu nsiliva zili makumi otatwe; elyo bantu banji baya kucicita nkambo kakujanina zyakulya, ku madollar ambi ali mwaanda mu mvwiki; nconzyo, kukaka Leza oyo wimvwi akati kabo, wa kaula buumi bwabo, antomwe a Ijwi lizwide.

²²¹ Elyo bayo amba, “Oh, alo mazuba aa maleele aka mana!” na, “Leza tayandi cintu cili boobo mbuli ceeco sunu.” Mwabona? “Oh, Nda syoma muli Jesu Kristo, i Mwana wa Leza! ‘Wabonwa Maria, banyina ba Leza, yebo ulacoolwe yebo aakati ka banakazi!’” Zyoonse ezi zintu zimbi ba laamba! Elyo bamwi babo bakati, “Nda syoma mu Kansiyansiya ka Baapostolo. Nda syoma muli Leza i Taata, Singuzuzyoonse, Cilenga wa majulu a nyika. Nda syoma mu mbungano iisalala ya Katolika yaba Roma, a zintu ezi zyoonse.”

²²² Amu ndaambile cindi muapostolo nakasola kuba a buzumini bwabukombi mbuli obo. Ikuti na baapostolo baka jisi kansiyansiya komwe, kuli lembedwe mu Incito 2:38, “Amusanduke a kubapatizigwa, umwi aumwi wanu, mu Zina lya Jesu Kristo, kuti mujatilwe zibi zyanu, nkabela muyo tambula cipego ca Muuya Uusalala.” Ikuti na kuli kansiyansiya kali koonse kuli mbabo, ako kakali nkako. Tiiba kajisi buzumini bwabukombi. Lya kali Ijwi. Obo mbwini. Li cili mbubonya. Obo mbusilike bwa kusilikwa kwa malwazi aa cibi, “Elyo muyo tambula cipego ca Muuya Uusalala! Kweempwa a kubapatizigwa ku kujatilwa kwa zibi, mwabona, nkabela muyo tambula cipego ca Muuya Uusalala.”

²²³ Pele basambala, mbuli Judasi. Oyo ngu sikuli cengeezya. Bamwi babo bali pedwe maningi ku matalenta. Elyo oyu sikuli-cengeezya, mulangilile mulombwana oyo. Oyo ngo muntu mucenjezu. Oyu mulombwana uzuzya cakufwambaana, ali kusotoka a kuzuzya, ku bwaambe buniini buli bonse obo mbwa tayandi, to bikkili maanu kuli nguwe; ngu sikutasyoma buyo, ku kutalika. Pele cindi wabona mulombwana oyu, sikuli-cengeezya, kajatilila canguzu, mwabona, oyo ngu Judasi. Ngo nguwe.

²²⁴ Mbuli matalenta mapati. Ndiyo ita mazina awa. Kwalo, Ta

ndeedelede kucicita nconzyo, pele Ndila baita, nekuba, kutegwa mu cizibe. Mbuli, Elvis Presley, Red Foley, Ernie Ford, Pat Boone. Elvis Presley, muna Pentekoste; Pat Boone, mbungano ya Kristo; Red Foley, daikona mu mbungano ya Kristo; alimwi Ndi yeeya kuti Ernest Ford ngwa Methodisti. Elyo bantu abo boonse bajisi matalenta ayo, basongo, aanze lya cipekupeku. Elyo bantu kabati, “Ee, sa tabali bakombi? Ba laimba nyimbo.” Eco ta caambi cintu comwe. Iiyi, munene. Kucenga nyika!

225 Ino bajana nzi kuzwa kuli ncico? Judasi wakajana nsiliva zili makumi otatwe. Elvis, mulongo wa ma Cadillaki, alimwi a mwaanda, na madollar ali mamilioni ali myaanda yobilo, na madollar ali milioni mu marekkordi a zintu mbuli ezyo. Pat Boone a bamwi babo. Ta ndikwe makani eyo mbungano njo bazulilwa, a zintu zyoonse, nkuupaupa. Kwalo nkuli cengeezya. Calo ncicitikilo. Kuti buumi bwabo bulatondezya, eco tacili kabotu. Nconzyo.

226 Mpawo kuli abo bajisi matalenta aba basikupanga balemu, busongo bwanyika. Ba kambauka Makanimabotu, bataminina ku; bantu bapampu, basibupampu. Amuswiilile, muntu oyo wakayiisigwa mu muunda oyo, tali mukambausi. Ngu lekiccara. Eelyo nde penzi sunu, tu jisi bamalekiccara.

227 Jesu taakwe nakati, “Kamuya a kuyo yiisya kucita ceeci.” Wa kati, “Kamuya muka kambauke Makanimabotu, nkabela ezi zitondezyo ziyo tobela kukambauka.” Mwabona? Mwabona?

228 Oko takuli kwiiya kupanga lekiccara oyo ukonzya kwiimikila a kutonkomana, ma, kubikka zintu zyeebeka muli ncico, kukubamba kulimvwa mbuli kuti uli kkede moonya mu busyu bwa Angelomupati. Eco tacili ncico. “Kuba ciwa cabukombi,” nywebo mwabona, oyo ngu lekiccara, kutali Muuya Uusalala mu kubeleka.

229 Mulombwana umwi muniini oyo unga taaziba ma ABC aakwe, inga waseluka a Nguzu zya lusyomo a Ijwi; a kubamba Muuya Uusalala kucita zintu ezyo muntu nzya tazi, a ku cikaka. Mwabona? Nceeco we.

230 Bantu balemu! Iiyi, munene. Mpawo, mba sikubunganya. Bala zwidilila, akucita kabotu, basongo mu busngo bwanyika.

231 Mbubonya buyo mbuli Saatani mbwa kacita kuli Eva, oyo mwanakazi, muniini utakonzyi kuligwasya. Wa kaboola nkoonya kuli nguwe a kusola kumu sambalila aa muzeezo kuti uyooba musongo loko kwiinda mbwa kabede, nkabela nce ncico ncakali kulangila. Mubusena bwa kukkala ncobeni eco Ijwi ncolya kaamba, wa—wa kali kuyanda kumusambalila aa muzeezo kuti uyo oba musongo loko, elyo waa kaula cipange cakwe. Elyo bacicita cintu nciconya sunu. “I busongo bwa inyika eyi mbufuba kuli Leza.” Iiyi, munene.

232 Peepe, munene! Oh, ma, cintu nciconya buyo eco ba Farisi ncoba kasambala, a kucita, mwabona, a busongo obo mbobazi. Pele—pele kukaka Ijwi lyoonse lya Leza.

233 Cindi Ca tondezegwa kabotu alimwi Ca simpikizigwa kuli mbabo, ba cisola kujana cintucimwi, alimwi ba Ci yeeyela kuti nkukwelelezya kwa lweeno. Taba sitikide mu mizeezo yabo. Taba konzyi ku Ci syoma. Inga wa baambila cintu cili coonse, alimwi bali kusule alubo; inga wabaambila kufumbwa cintu, bali jokede lubo. Elyo ba buyo. . . Elyo konzyi ku Li mvwisya ncobeni, nywebo mwabona. Elyo amu balangilile; ba langilila ciindi, bulubizi buyo bwakuyubila. Nku konse nkoba yanda.

234 Eco nce cintu, ikuti ni lwaatali luzyalo lwa Lea, bulubizi bwangu bonse bwakuyubila nibwa kayutululwa, ikuti na Nda ali jisi bumwi. Mwabona? Lwalo nduzyalo lwa Leza, nkaambo takukwe bulubizi bwakuyubila mu Ijwi lya Leza; Makani buyo mabotu atonkomene. Nda kaamba lyoonse, uli onse, ikuti na wandi bone kuyiisya na kucita cimwi citeendelena a Ijwi lya Leza, boola uzondambile. Nceeci cintu civumba bulubiz bwakuyubila mbo musola kujana. Amu bikke buyo meso anu ali Ceeco, nkabela taku kaboni bulubizi bwakuyubila, nkaambo taakwe bulubizi bwakuyubila.

235 Lino amuyeeye, Judasi wakali kuyeeya kuti wa kajana omwe. Oyo mulombwana wakayeeya kuti wakajana umwi. Ziindi zinji, ba yeeya kuti bala cijana, pele cila tondezya kuti tacili ncico. Abo mbasyomi, basikuupaupa. Ali peseenti ili makumi ali fuka aosanwe aa Ijwi, mbubonya Eva mbwa kabede, pele, makumi ali fuka afuka a kkumi afuka; pele cakali cipanzi comwe muli zili kkumi caka citya lufu a buusu bonse.

236 Eco nce cintu comwe ci tapatila kabunga a zintu, nkaambo taba bwezi Ijwi lyoonse lya Leza. Abo mba sikuli-cengeezya. Tu jana kuti lyoonse mbo cakabede, pele kukaka Ijwi lya bwini, lyaka simpikizigwa. Aba lyoonse bali mu nzyalani aimwi. Tula bajana mbuli mbo baunka antomwe, alimwi abalo bakombi maningi.

237 Lino, Ndi tandila kujala ndyoonya lino, nkaambo Nda katola cisela ca oora.

238 Jesu, tu jana kuti Wa ka tucenjezya ku mazuba aya akumamanino a misyobo eyi ya bantu, kuti babe maningi mbuli cintu cini, cakuti bayo cenga mbabonya Basale. Ino ncinzi eco? Abo mba Judasi, i—i bantu abo baunka kulaale kutala. Amulange, bala—bala konzya akwalo kulila, koongolola, kutaminina kutanda madaimona, zintuzyonse, elyo mpawo kunyona a kukaka Ijwi. Mbubonya. Bali jisi ciwa cabukombi. Balo inga—inga—inga batandila. . .

239 Amulange awo Judasi mpa kaboola. Muuya wa Judasi wakatanta kuya mu Makani mabotu, kutala ku busena bwa Pentekoste. Pele cindi nicaka boola ku ciindi ca lubbizyo lwakwe

mu Zina lya Jesu Kristo, a zintu ezi zimbi ziinka a lubbizyo lwa Muuya Uusalala, wa keenda kuzwa. Wa katondezya bube bwakwe bwini. Elyo muuya oyo inga wapona mu tubungwe oto kusikila wasika nkoonya ku Bwini obo, mpawo waa jokela nconzyo, mbuli muuya uli ali mbabo, oyo usololela kuboola kwako; mbuli buyo Johane mbwa sololela kuboola kwa Jesu.

“Lino yebo wati, ‘Jesu wakati bayo kozyanya loko.’”

²⁴⁰ Lino, “Basale,” oyo ngo musyobo waka jisi mazina abo mu Bbuku, kuzwa ku malengelo, aa Buumi, abo basyoma, na malengelo aa inyika, abo basyoma Ijwi lyoonse lya Buumi. Abo mbe Basalidwe.

²⁴¹ Lino amulangilile bantu aba. Lino, Nda amba eci a lulemeko a bulemu, a luyando lwa buleza; ikuti na Nse citi, Ndi—Ndi—Ndi yandikana lwiito lwaku cipaililo, lwangu. Amubone, Jesu wakati bayo cenga mbabonya Basale. Lino, eco inga ticaba muna Methodisti, oyo unga taaba muna Baptisti; tu lizi kuti mbasikutasyoma, kuzwa kumatalikilo. Pele, nkabunga ka Pentekoste kakanjizya ceeco mu kabungwe ako, bakeenga minyinda, iitakwe Ijwi; a kweenga munyinda akubikka kabunga kabo keni, akuyakilila Ijwi. Bayo cenga mbabonya Basale, kukozyanya loko! Kwaamba, “Ba lila. Ba koongolola. Ba lasotoka mujulu aansi. Ba taminina miswaangano ya kuponesegwa.” Mbubonya Judasi mbwakacita, alimwi mbubonya bonse bamwi mbo bakacita. Cindi niba kazwa, kaboozegwa kabatangala a zintuzyonse, alimwi akwalo baka jisi mazina abo alembedwe mu Bbuku lya Buumi ilya Mwanaambelele.

²⁴² Pele, amuyeeye, Nabwiinga—ta—ta booli mu nkamu eyo. Walo unka mu Kukwempwa.

²⁴³ Ku Lubeta, lubeta lwakabambwa, “Elyo mabbuku aka julwa, babi; alimwi Bbuku limbi, lili ndi Bbuku lya Buumi, lya kajulwa,” nkabela kwakali Nabwiinga okuya wa kwiibeteka. Mwabona? Mwabona? “Bbuku limbi lyaka julwa, lili ndi Bbuku lya Buumi.” Eyo ni mbelele ku lubazu lumwi, a mpongo ali lumbi. Mwabona, bantu abo bakafwa kaindi eelyo, abo bata kajisi coolwe, bayooba bamwi ba kaandanisigwa.

²⁴⁴ Pele lino amubone, “kucenga” mbabonya Basale, amulangilile nkamu eyo. Eyo nkamu eyo itobela ncobeni ambali, “Iiyi, mukwesu. Aleluya! Iiyi. Bulemu kuli Leza!” Elyo nkoonya kungsi kwa moyo wako ula bona eco ncoba belekela; ku kubikka mu mbungano (nkaambonzi?) kuti bakwele bbunga, kubavuzya kukabeela konse ka mali ngoba konzuya kujana kuli nkako. Mu yeeya kuti Nse cizyi eco na? Inga bayeeya kuti Nse cizyi, pele Ndili cizyi.

²⁴⁵ Jesu wikalizi, kuzwa ku matalikilo, kuti wakali mucengi. Mwabona? Mwabona? Pele ino Wa kacita nzi? Wa kalindila buyo kusikila ku ciindi eco. Nce ncico nco tweeleda kucita lyoonse,

kulindila mane ku ciindi eco. Uta linjizyi omwini. Lindila mane ku kaindi ako.

²⁴⁶ Kuba a pi- . . . ciwa, akuzumanana ncobeni, eyo nje nkamu icenga. Amulangilile oyo mucengi, nkamu eyo okuya; kutali i—kutali musyomi, kutali sikutasyoma, pele eco nca sikulicengeezya. Oh, ma! Ino bacita nzi? Kuli bbwayaula buyo kusikila bayeeya kuti inga bajana cintu cimwi, kukwela kkobili lyoonse eelyo ndoba konzya kuzwa ku bantu, mwabona, elyo mpawo kucilundika mu tubunga otu tupati ncobeni; ezyo zilwana cakumaninina, alimwi zili cizyi. Mwabona, bali cizi.

²⁴⁷ Ta cibambi lwandaano lumwi eco nco wamba. Ba kacenjezya bantu babo kotana kusika, “Muta ka Ci swiilili.”

²⁴⁸ Muntu omwe, a camba ca kwiima kuya mu Ohio, cindi buyo Mukwesu Kidd nakaponesegwa, kayutuka alya aa cibumbili, a kuti, “Lino, Mukwesu Branham musinsimi, kwiina kuzumbauzya nokuceya, cindi ano kungsi lya bunanike. Pele lino,” kati, “cindi bunanike bwazwa kuli nguwe,” kati, “sena tosyomi Lwiiyo lwakwe, nkaambo Luli lubide.”

²⁴⁹ Elyo ta kazi, kuti kakkede mu kaanda kangu, Mwami waka ciyubununa kuli ndime. Elyo Nda keenda nkoonya kunselelo okuya. Elyo bunji bwanu mwaliko okuya. Nda kati, “Nkaambonzi muntu ncanga waamba cintu mbuli ceeco, kakuli Ijwi . . .” Lino, mwabona, Nse amba kuti Ndali musinsimi; wa ka caamba.

²⁵⁰ Elyo musinsimi, bbala *musinsimi*, “mulunguluzi,” Cakaindi Cizumi- . . . Lino, vershioni ya Chikuwa ya *musinsimi* yaamba “ii mukambausi.” Pele *mulunguluzi* wa Cizuminano Cakale wakali muntu oyo waka jisi “bupanduluzi bwa Buleza ibwa Ijwi,” alimwi kwakatondezegwa ku Ijwi kalisika kuli Nguwe akucibona kumbele. Eco cakali ca . . .

²⁵¹ Elyo muntu waamba kuti muntu abe musinsimi, elyo mpawo kwaamba kuti Kuyiisya kwakwe taku luzi? Ikuti na ayo taali makanze aakubelekela mali, ino ncinzi? I oora lili afwaafwi cindi cintu eco ni ciyo somonwa aa cilao. Inzya. Pele oyo ngo musyobo wa kuti, sikuli-cengeezya, ku kuumauma kusule, ku kwiita “mukwesu,” mbuli buyo Judasi. Pele, amuyeeye, Wa kalizi kuzwa ku matalikilo. Walo ucizi. Iiyi, munene.

²⁵² Amuyeeye, boonse aba baswiilila ku teepu eyi, abalo, mbo mbubo, muli imwi ya makkilasi. Mbo mbubo ncobeni. Lino tula jala. Muntu aumwi uli waano, uliko, muntu oonse uuswiilila ku teepu eyi; alimwi nekubakuti buzuba bumwi Nde elede kusiya inyika eyi, mateepu aya acinooli muumi. Mbo mbubo. Mwabona? Elyo sa uli muli umwi wa misela eyi. We elede kuba muli umwi wa njiyo. Cili mubonyo. To konzyi ku ciloboka. Uli muli imwi ya misela eyi.

²⁵³ Lino ninzi? Kolizibya lwako a ciimo ca Bbaibbele caka syoma, awo mpo kasyoma Ijwi cindi ni Lya kasimpikizigwa,

mbuli mbo Nda ka Li tondezya sunumasiku, kuti lyakali Ijwi lyaka simpikizigwa lyoonse, lyoonse liliimpene ku buzumini bwampuwu.

²⁵⁴ Ikuti noka pona mu mazuba akwa Nowa, eno andi mubuzye buyo, nku lubazu nzi nkokali nooba, lubazu lwa mbungano na lubazu lwa Nowa, musinsimi? Mwabona?

²⁵⁵ Ikuti noka pona mu mazuba akwa Musa, sa noka syoma mulumbe wa Musa Niwa kamana kutondezegwa a kusimpikizigwa aa Leza? Pele sa nokasangana a Kora a Datani, a bamwi, a kuti, “Toli muntu olikke uusalala. Bantu bamwi inga bacita zintu ezi nzo cita, ayebo”? Mwabona? Nokaba kuli umwi, alimwi uli obo, sunumasiku.

²⁵⁶ Na sena nokana a Daniele, na a mbungano yakali kunselelo okuya ku kubungana kwa parti ya Nebukadinezara nkoba kali kupa? Mwabona? Sa nokaba anze, na nokaba kunselelo ku shidigi, i—i cintu cipati ncabakali kuba aco?

²⁵⁷ Sa nokaba a Eliya, oyo muny kaimvwi alikke, wakaitwa kuti, “mudaala simizeezo igambya, muntu wakasondoka,” elyo kaimvwai atala lya cilundu, a mutwe wakwe kaubalama alya ku zuba, a kasamu kapilingene mu janza lyakwe, bayuni kaba musanizya, uh huh, muntu umwi wa mizeezo? Na sa nokaba a bapaizi a boonse kunselelo okuya antomwe a Jezebele, a amwi babo banakazi bkasamide cabusyaasunu? Elyo Eliya kaimvwi kutala okuya, kaba tapatila, canguzu mbuli mbwa kali kukonzya! Ino ncibeela nzi nco keelede kutola mukaintu wako? Koyeeya buyo. Kolibikka mu ciimo lwako sunumasiku.

²⁵⁸ Mu mazuba aa Jesu, sa inga wakali a Mulombe oyu wata kajisi zyelele? Ta kajisi bumembala bwa kabungwe. Ba kati, “Ino ncikolo nzi Nko kazwa? Ta tujisi Yebo aa bulunguluzi bwesu awa. Mbobuti Mbo jana busongo obu? Mbobuti Mbo konzya kwiiya ikuti na tii twa Ku yiisya zintu ezi? Ino ncikolo nzi Nko kazwidilila? Sa Uli muna Methodisti, Presbyteria, na Baptisti?” Ta kali umwi wa ncico. [Ii mukwesu waamba, “Kajisi Ijwi.”—Mul.] Mbo mbubo. Wa kali Ijwi. Mbo mbubo ncobeni, mukwesu. Sena ula. . .

²⁵⁹ Na sa noka bweza lubazu a Bafarisi ba buzumini bwa busyaasunu ibwa mupaizi mudaala mubombe oyo wakali kuboneka kuba mulome a mubotu loko, a kabunga ako kakaima kuzwida ku Nicaea Kkanso, na kuzwa Luther naka ibunganya? Na ni—ni nkamu nzi njo kalino janwamo? Sena nokali ku i. . . Ni nkkamu nzi njo kali nooba ayo? Sa nokaima a Ijwi cindi noka Li bona kali simpikizigwa akutondezegwa kuli nduwe, Wa kali Mulumbe wa buzuba, na sena noka ima a mbungano? Lino koli pandulula buyo lwako sunumasiku.

²⁶⁰ Sa nimwa kaliko a baapostolo, cindi niba kabona Jesu a zintu ezi zyoonse zyamaseseke, cindi Na katontela ansi abo bakambausi, a kuti, “Nywebo nociteente ca nzoka”? Balo

bakambausi, bakaindi bakaiya Ijwi eelyo. Kati, “Toli cintu pele bulyango bwa babbi, alimwi uli—uli zwide mafuwa aa bantu bafwide. Toli cintu pele bwaanda butubye.” Mwabona? “Nywebo nonzyalani ya bacipile.” Sa nokaima a Mulombwana wakali mukali loko mbuli oyo, Walo wakaima alya akutapatila akumwaila ansi? Kati, “Nguni umwi wanu ukonzya ku Ndi tamikizya cibi? Ikuti na Nse citi eco Taata nca kaamba . . .”

²⁶¹ Ba kati, “Uta swiilili. Oyo Mulombwana ujisi muuya mubi ali Nguwe. Uli nyongene. Uli sondokede. Walo—Walo ujisi muuya wa dyabulosi ali Nguwe. Mwabona? Lino, i . . . obo Mbwa cita ceeco, Walo, oyo muuya wa basondi muli Nguwe. Nywebo mwati . . . Ino Nguni? Banyina baka Mu jisi kumbele lyakwe a mulumi wakwe bakali kwetene. Mwabona? Mwabona? Ino ncikolo nzi Nkwa kaindamo? Ta tujisi nobuba bomwe bulunguluzi Bwakwe kusola kuya ku cikolo cabwaambe bwazisyobo.”

²⁶² Elyo nekubaboobo cindi Na kali myaka ili kkumi aibili yakukomena, Wa kagambya a kugambya bapaizi, a Ijwi lya Leza. Mwabona? Ino ncikolo nzi Nkwa kazwa? I cikolo ca Kujulu. Mwabona? “Cindi mwabona Mwana wa muntu kaseluka kuzwa kooko Nkwa kazwida.” Mwabona, eco cakali cikolo Cakwe.

²⁶³ Pele sa inga mwaimikila a baapostolo, ku Muntu mbuli oyo, cindi kazekelo nikakasika?

²⁶⁴ Na sa nokeenda kuzwa ncobeni abakali sevente, a kuti, “Ee, tuyo zumanana kujokela ku mbungano yesu ikuti na eyo nje nzila Njoya kuyiisya, kwaamba ceeco, Yebo, ‘i Mwana wa muntu’? Cindi, nokuba, ino Nduweni? A Ndu weni? I muntu mbuli Ndime, Ndila lya a Nduwe, a kusola ku Kwa amba kuti uli cintucimwi. Nda ka Ku langilila. Nda kakubona kukompama Kwako. Nda ka Kubona kolila. Nda ka Kubona kocita *ceeci, eco*, na i *cimbi*. Nda ka Ku bona kanjila mu nkanda a ndiswe, a zintu zyoonse zimbi mbuli eco eno, alimwi Uli muntu buyo. Elyo kwaamba kuti Uzwa ku Julu. Nkwa yumisya kuli ndime.” Sa no keenda ambabo? Na sena nokeenda kuzwa abali sevente? Na sena no kenda a baapostolo a Kristo?

²⁶⁵ Cindi Musalali Martin nakasola kuba a lubbizyo mu Zina lya Jesu Kristo, mu mbungano, cindi nakasola kujatilila ku zitondezyo a zigambyo a zintu, alimwi mbungano ya Katolika yaka sampaula mwaalumi nkabela teya kamuziba akwalo pe, a ku mutanda, sa nokaiminina kayanza kabuzumini ika Katolika, na nokaiminina Musalali Martin? Cindi nkakaka kusimpika eyzyo zikozyanyo zya—zya bantu bafu, aku zikomba, kukomba zikozyanyo, a zimwi zimbi, cindi na kakaka tuyanza twabuzumini oto twaka yungizigwa, wa kati, “Akube kuti Ijwi libe Bwini!” Elyo Leza waka mu simpikizya a zitondezyo zipati a zigambyo, alimwi eco nca kaamba caka citika kumbele. Elyo zintuzyonse nzya kacita, wa keenda mu Muuya wa Leza a

kucitondezya, alimwi taakwe umwi wa bapaizi na kufumbwa cintu cikonzya kucita kufumbwa cintu kujatikizya ncico. Sa noka bweza lubazu lwakwe akuunk antomwe a Musalali Martin, na sena nokaunka a kwayanza kabuzumini ka Katolika?

²⁶⁶ Lino Ijwi, lino Ijwi lya Leza na buzumini bwabukombi ibwa bungano, buli kumbele lyako. Sa inga wabweza, kuzumina eco buzumini nwa bubukombi ibwa mbungano, na ubweza eco Ijwi nco lyaamba?

²⁶⁷ Amuyeeye, mu makkalo oonse akali mbuli mbo kubede ndyoonya lino. Lyoonse kuli buzumini bwampuwo akati ka bantu, alimwi lyoonse cakali buyo kwiimpana aniini ku Ijwi lini. Yeeya, tii cakali cuuba buyo ku Li kaka. Oh, peepe. Sikulwanakristo tali kaki Ijwi. Peepe nconzyo. Ula amba kuti ula Li syoma, pele kutali buyo koonse kwa Ndilyo nzila mbo Lya kalembwa awa. Mwabona? Mwabona?

²⁶⁸ Saatani wakaambila Eva, Eva waka Li syoma lyoonse, pele eco buyo ciniini nca kamwaambila. Bala bweza buyo koonse kwa Ncico pele kusyoonto buyo, inga kwaba, “koya ku ciziba,” inga caba cintu cimwi cimbi; we elede ku Li tambula, kabeela koonse, nzila buyo Mbolili *Awa*, wabona, nzila buyo mbo Lya kaambwa *Awa*, inga wamucitya kucita milimo imwi ntaanzi alubo, pele nceeco buyo Ijwi ncolya kaamba. Aka kakali kooze ka Saatani kuzwida na kakabeleka lutaanzi ali Eva, ku kuunduluzya buyo kabeela kaniini ika Ijwi.

²⁶⁹ Elyo, lyoonse caandanya makkilasi otatwe aa bantu, Ijwi lila pambula bantu aba. Mu bukkalo abumwi cakali munzila eyo. Bukkalo abumwi bwa kasola kuba, cakali munzila eyo, cindi Leza nakatuma cintucimwi aa cilao aku Ci zibya kabotu, Ijwi Lyakwe.

²⁷⁰ Mpawo kuli baabo batobela, abo bataminina kuba basyomi, alimwi mbo babede. Kwakali baabo bata kajokela. Ba kalisyoma Ijwi. Kufumbwa kuti kokkala mu Ijwi, bayo Li syoma.

²⁷¹ Pele cindi Ca boola kwiimpana aniini, tacikwe makani kunji Leza mbwa Ci zibya kuli ceeco ncoba syoma, ba lati, “Ee, Ta—Ta—Ta ndizi kujatikizya *Ceeco*.” Oyo ngu sikutasyoma.

²⁷² Na sena mulatobela ambali kubona buyo kusikila muka konzye kujana ciindi ca kwaamba, “Uh huh, mpaawa mpo mubede!” Ii Judasi wakuyasi muntuumwi kusule, mbuli mbwa kacita. “Ndali cizyi kuti cila yutuka, calino loko na akale. Nceeco we!” Oyo ngu sikuli—cengeezya. Koonse, kabeela koonse ka ncico, tula cibona mu Bbaibbele.

²⁷³ Ii mulombe muniini ciindi cimwi, kumusanza okuno mu Kentucky, kakomezegwa kutala mu malundu, ta—ta kazyalilwa aengelede akali ciboniboni cakulangila. Ba kajisi kabeela kaniini kakajajailidwe aa cisamu, pele ta kalina libona mwini. Wa kaboola okuno ku Louisville, ca kaambwa, a kukkala a mucizi wa banyina. Elyo waa kapona muli imwi ya maanda

mabotu, muunzi wa cianza cakaindi. Cindi niba kanjila imwi ya i—i yama bediruumu ya kajisi ii—ii citendele eco cakajisi cimboniboni onse atala, atala ansi ku citendele. Mwabona?

²⁷⁴ Elyo cindi mulombwana muniini nakatalika kweenda mu ng'anda, wa kaima. Johnny muniini wakabona Johnny muniini. Mwabona? Elyo wa kakwezya mutwe wakwe, a Johnny muniini mu ciboniboni waka kwazyza mutwe wakwe. Wa kaseka, a Johnny muniini mu ciboniboni wakaseka. Wa kasotauka koonse akoonse, a Johnny muniini wakasotoka mujulu aansi mu ciboniboni. Mwabona? Wa keenda muni loko. Wa kayeeya kuti wakali mulombe muniini ngwa kali kukonzya kusobana, aboobo wa keenda kumbele. Cigaminina, wa kakwala kwala a ciboniboni. Wa kanyona, elyo bazyali bakwe bakali kumulangilila. Wa kati, “Baama, ulya ndime.”

²⁷⁵ Lino amulange muli *Ceece*, alimwi uli nduwe na? Uh-huh. Uh-huh. Nguni umwi wa Johnny baniini *aba* mbo likozyanisya? Nguuli uli nduwe, yebo wabona? Uli umwi wabo.

²⁷⁶ Oyo ngumwi wabo, oyo umwi unga wajoka, kaimba kataanzi nkajana muli nduwe, ako nkoita kuti kaimba. Wabona?

²⁷⁷ Kacisoleka kubelesya Ijwi a kubona ikuti na cili luleme, ikuti na Ijwi lya tondezya zintu zyoonse. Mwabona, kutondezya zintu zyoonse kwiinda ku Ijwi. Jesu wakaamba kucita boobo. Iiyi, munene. “Amu jatisye kuli ceeco cibotu.” Nce ncico ncobeni Nca kaamba.

²⁷⁸ Lino amulange mu ciboniboni ca Ijwi lya Leza, mu makkalo ambi, akubona kuti njiili nkamu ya botatwe aba njo konzya kulizibyamo. Lino amuyeeye buyo, ikuti ni mwakapona mu mazuba akwa Nowa, ikuti nomwa kaponi mu mazuba akwa Musa, ikuti noka pona mu mazuba akwa Jesu, na umwi wabo, kufumbwa mbo cibede, amuyeeye buyo nkamu njo muyo lizibya. Amu ciyeeye sunumasiku.

²⁷⁹ Mpawo, nomuliko eno. Lino, amuyeeye buyo. Eci cili sakene lino. Alimwi uta cilyatauli. Ciimo cako calino cila tondezya kuli nduwe nkamu njo kalinooba ayo kaindi okuya. Lino, muli babetesi banu nobeni, tondezya obo mbo mubede.

²⁸⁰ Mufundisi, mukutausi, ni nkamu nzi njo kali kunooba ayo cindi Jesu na kaamba kaambo ako kakali kayumu kusyoma? Inzi? Inzi? Elyo Nda kalizibya cakumaninina kuti Wa kali Ijwi, mwabona, nkabela nekubaboobo, taakw nomwakamvwa cili conse mbuli ceeco, “I Mwana wa muntu, ino uyo amba nzi ikuti na Uli tanta kuya ku Julu oko Nkwa kazwida?”

²⁸¹ Elyo yebo wakati, “Ee, Ndi lizi awo Mpa kazyalilwa. Ndili muzyi taata Wakwe, Ndili muzyi nyina Wakwe, nkabela Ngooyu waamba kuti Uyo tanta kuzwa awo Mpa zwa.” Eco inga cakali cinji loko kuli nduwe, embo na, munene? Uh huh. Kali kaniini buyo kuli nduwe; tiiwa kakaonzya kutambula Ceeco. Ndiza ncintu nciconya asunu. Mpawo amulange mu gilazi lya Ijwi lya

Leza a kubona awo mpo mwiimvwi. Oh, mucengi wa muntu, muta soli kucita ceeco.

²⁸² Amulange, muli imwi ya makkilasi aya. Mu ciimo cako calino, ciimo ca mizeezo yako lino, yebo awa mu bbunga lilibonya, ayebo uyooba mu bbunga litalibonyi lya ku teepu eyi, ciimo cako ca mizeezo eno wamana kuswiilila eyi teepu, citondezya musyobo wa musela mobede. Cila kwaambila ncobeni awo mpobede, naa uli musyomi mu Ijwi nkabela uyo kkala a Ndilyo, naa inga weenda abusena, na kujala teepu eyo. Hmm? Eco caamba nco kacita. To yandi kuswiilila kuli Ncico, nkabela Ci jale, akuti, “Nse yanda kuswiilila kuli Ceeco,” kuto, kuti oyo ngu sikutasyoma. Wabona, toka leki ku cisola akubona na bwalo Mbwini nape. Wabona? Na kulengelezya buyo koonse a kusola kujana butongo kuli Ndilyo, mpawo ulizi awo mpo bede, ayebo. Lila kwaambila.

²⁸³ Leza kotu gwasya ku Li syoma a kwiima ali Ndilyo, akuba uusyomeka kuli Ndilyo, a kuswiilila Ijwi, nkambo Walo ndi Ijwi. Sena mula syoma obo?

Atu, atu kombe.

²⁸⁴ Oyandwa Taata Wakujulu, obo mbo cili ciyumu, ku ziindi, kwaamba zintu ezi, a kuziba kuti antela makumi aa zyuulu zya bantu bayo mvwa eci ku teepu, mbuli mbo baunka koonse ku cisi a kuzunguluka inyika. Pele, Oyandwa Mwami, nca bwini, nca bwini loko. Nda lomba, Mwami, kusaanguna kuti usanzye moyo wagu. O Mwami, kondi soleka, kondi sola.

²⁸⁵ Kolanga buyo ansi ali ndime, Mwami. Ndili kompeme. Ndi—Ndi—Ndi. . .Ndili—Ndili katede. Nda—Nda dekela. Kameneno kangu kazumbauka. Milomo—yangu—yangu ya—ya—ya ba azibata, mbuli. Alimwi, a mubili wangu uya buyabaala, Ndiya bucembaala. Elyo—elyo ta zikabi ziindi zinji zimbi, Mwami, ndiza, kuzunguluka kumbi kunji loko kwa zuba, mane—mane Ndino—Ndino unkide.

²⁸⁶ Elyo lino kondi lingula, lino, Taata. Elyo ikuti—ikuti na kuli cintucimwi eco Nce cita cilubide, nkabela to cizyi, Ko—Ko ciyubununa ncobeni kuli ndime, Mwami. Ko—Ko nditondezya. Nda—Nda libambila eno kucilulamika kabotu.

²⁸⁷ Nda lilanga lwangu okuya mu ciboniboni ca Ijwi lya Leza. Mpaali mpo Ndi imvwi? Sena Nda bona cinkozya cangu kacitondezya Jesu Kristo? Sena oyo ngo muntu ngo Nda bona mu gilazi? Sena Nda bona umwi wa basyomi ba Cizuminano Cakale, na basyomi ba Cizuminano Cipya? Sa Ndi bwene sikuli-cengeezya? Sena Nda libona lwangu mbuli sikutasyoma unga taaima a kuswiilila ku Ijwi, alimwi inga kwatola muzeezo wakabungwe mucibaka na? Sena Nda bona lwangu ka kulengelela koonse, kusola kujana kakolezyo kaniini?

²⁸⁸ Mwami, ikuti na cili boobo, kondi salazya buyo—buyo, Mwami. Lekela moyo wangu kuti usalala a kunjoloma.

Nkaambo, obu mbumi bwangu, Mwami, Ndi...Buli, Ndi buandila kululama. Ta kuyandikani nzila ya cisela ya kucicita, ikuti na kuli nzila yaku cibamba ncobeni kucitwa. Ndi, Ndi yanda kuti cali bambidwe kabotu, Taata. Kutali biyo eco, pele inga Nke solollela baalumi butaluzi, a banakazi butaluzi, a bantu abo Mbe yanda, a kundiyanda; mpawo, inga Nda lubila.

²⁸⁹ Elyo, Taata, ikuti na kuli cintu cili coonse, ikuti na Nda yeeya sunumasiku kuti mbungano ili yoonse yakabungwe yakali luleme; na Nkamu ya Mabungano yakali luleme, ikuti bunji bwa bantu bakali luzi; Mwami Leza, ndigwasye kuba muntu uukubwene, a Munakristo wini, ku zumina bulubizi bwangu a kwiima awa a kutuma bantu aba oko Nkwe yeeya kuti eco inga caba ciluleme. Kondi salazya. Andi lange a kubona. Pele cindi caboola ku zintu ezyo, Mwami, kuciimo mbuli mbo Ndi konzya kucibona, kajisi ziimo ezyo a kukaka Ijwi; inga wa Ca ambila kuli mbabo, elyo nekubaboobo ba lati, “Ee, Ta cibambi lwandaano luli loonse. Ci...Leza tali langili Ceeco lino.”

²⁹⁰ Mwami, Nda syoma kuti Nduwe Jesu nguwenya. Nduwe Leza nguonya Wa kaliko lyonse. Ucili Leza, nkabela To konzyi kucinca. Nda syoma kuti eli Bbaibbele ndi Ijwi Lyako, alimwi Nda syoma kuti Yebo a Ijwi Lyako ncimwi.

²⁹¹ Elyo Nda komba, Leza, kuti Uyo tupa zya Muuya Uusalala Wako, ku pononosya Ijwi, ku kutupa Nguzu zyaku pononosya; kuti, buzubabumwi cindi buumi bwakumana, elyo Kono manide andiswe, kuti tuyo pononosegwa a kutanta kujulu mu Julu oko nkotwa kabede, mu miyeeyo ya Leza, kuzwa ku malengelo aa inyika. Leza, ko cipa.

²⁹² Kojatila zibi zyesu, Taata. Ikuti na kuli baalumi a banakazi awa, abo baimvwi mu nkamu eyo imwi, kunze lya basyomi beni mu Ijwi, Leza, salazya moyo wabo. Ikuti na kuli umwi uswiilila ku teepu, na uyo swiilila, Nda kombela kusalazya kwa myoyo yabo, kuti Uyo basalazya, Mwami. Ta—Ta ndiyandi kuba bona kasweeka. Leza, Nda lombwa kuti Uyo—Uyo tugwasya kumvwisya kuti bulubizi bomwe tabu—tabu kalulamiki bulubizi bumbi. Kuli nzila yomwe biyo ya kucita, nku gwisya bulubizi bobilo kuzwa munzila, a kululamika. Elyo Nda komba, Taata, kuti Uyo cipa eco kuli ndiswe, kwiinda muli Jesu Kristo Mwami wesu.

²⁹³ A mitwe yesu kiikoteme, myoyo yesu kiikoteme, eno Ndi yanda kuti muyeeye kwa maminiti buyo masyoonto.

²⁹⁴ Cindi ni Nda kabona cilengaano ca gehena, mbuli i—mbuli mulombe muniini, bube bubyabi bwa ncico. Mpawo, Kwayanda ndalubizya muli keeci. Oko inga kwaba kulimvwa biyo kuti cimwi ciliaafwi kucitika. Inga caba. Ta ndizi. Ci boneka kuti Nda kali kubusena bumwi. Ca kali cabuntunsi loko.

Mpawo, kutali ciindi cilamfu cakainda, cindi Ne kabona zilawo zya balelekedwe.

295 Cindi ni Nda kali mu zyooko zya basweekede, Nda kakwiila, “O Leza, talekeli muntu kuboola okuno!” To konzyi, taakwe mulaka ukonzya kupandulula kuli nduwe kukankamanisya kupati kwa nkuko mbo kubede. Taakwe nzila kuli ndimwi ya kumwaambila. Ikuti na mula syoma kuti kuli gehena iipya, izwide mulilo a sulufa, oyo inga waba ii—ii mweemvwe wa griini utontola usitikide ku kuboneka kwa kukankamanisya kupati kwa ciimo eci caka sweeka mucaka bede, a kupenga oko kuli—oku kujanika mu busena obo.

296 Elyo ikuti na Nda sola ku kanana kuli ndinywe zintu zinga zyaindilila kumvwisya kwa muntusi, Nse kakonzya kupandulula busena bwa balelekedwe, obo mbocili caluumuno! Kwiina kufwa, kwiina kucembaala, kwiina kuciswa; lyoonse kuba bakubusyi, lyoonse kuba anseba mbotu, akuta fugwi; Buumi Butamani, mu bubotu bulelekedwe bwa bukubusyi, alimwi taakwe cibi na cintu cimbi! Oh, kwiina nzila ya kupa- . . . kupandulula, ku cipandulula.

297 Naba Musalali Paulo, wa kati, “Liso tali bwene, kutwi takuna mvwide, akwalo kunjila mu myoyo ya muntu,” to konzyi ku cimvwisya; kwiina nzila yaku cipandulula, “eco Leza nca jisi kuli mbabo, mu ciyobwedo, abo ba Mu yanda.”

298 Elyo lino, mbuli eci mbo cili bwini ncobeni, boonse awa a baswiilizi batalibonyi, twa tondezegwa awa, sunumasiku, muli imwi ya misela eyi. Naa tuli basyomi beni . . . Kacisoleka kubelesya Ijwi. Ikuti na Ijwi lya kaamba cintu cimwi, nkabela mbungano ya kaamba cintu cimwi candeene, ino inga wabweza nzi? Kulanga mu ciboniboni ca Ijwi lya Leza akubona musela moimvwi. Elyo ikuti na toli obo, sunumasiku, boonse okuno a mu bbunga batalibonyi, ikuti na toli obo, ikuti na toli a musyobo oyo uusyoma, sa Nda pa buyo ijwi lya mupailo kuli nduwe lino, kuti inga waboola mu musyobo oyo uusyoma?

299 Elyo sa inga wazibya nciconya, kwiinda kuli Leza; a mutwe wako kuukoteme, myoyo yanu kiikoteme, meso aanu kajalide, alimwi kumbele lya Leza? Ziindizimwi bantu bala yoowa aniini, nywebo mulizi, kubaanga nku tambika maanza abo, kuyoowa simukobonyina . . . Kwalo, beelede kuba boobo, pele ba—ba elede kulibambila kukkalikila, a kwaamba, “Ndi, Ndili lubide. Nda lubizya.”

300 “Oyo—oyo uvumba zibi zyakwe taka jani coolwe, pele oyo uyo lyaambilila cibi cakwe uyooba a luse.” Mwabona? Niinzi cibi? “Kutasyoma,” kutasyoma mu (inzi?) Ijwi.

301 Lino, ikuti na toli mu kkilasi eyo, alimwi kuli zintu ezyo—ezyo nzo mubona mu Bbaibbele kuti muli buyo . . . mu—mu bwako . . . mu—mu bupampu bwako—bwako, to—to konzyi ku cibona. Yebo buyo . . . Nywebo mulizi kuti Bbaibbele lya kaamba boobo, pele yebo buyo . . . To konzyi ku cimvwisya, elyo

nekubaboobo ula yanda. Yebo wati, “Leza, andibe a kumvwisya. Njo Ku swiilila.”

³⁰² Sa inga watambika janza lyako, a kwaamba, “Kondi yeeya mbuli mbo tukomba”? Leza aku longezye. Leza aku longezye. Eco ncibotu. Mwabona?

³⁰³ Amu ciyeeye buyo, “Sa kuli cintucimwi mu Bbaibbele eco Nce—Nce ta ndizi ncobeni? Ndi—Ndi—Nda—Nda libilika kuti njo lijna muli cimwi ca ziga zimbi. Ndiza Ndiyo lijana lwangu a makumi ali ciloba, kuti Ndi...Kuli zintu zimwi buyo nze Nda...Nciyumu loko kuli ndime kumvwisya nzila eyo—kuti Leza inga wacita zintu ezi, obo Mbwa kali kukonzya kuba, nzila Jesu mbwakali kunooba mbubonya, obo—obo zintu ezi. Nse—Nse Ci mvwisi. Ndi yanda ku Ci mvwisi. Ndi—Ndi yanda ku Ci syoma. Elyo, Leza, kogwasya kutasyoma kwangu. Ndi—Ndi yanda kuba cibeela ca Ndilyo. Ndi yanda kuba sicaabilo wa Ijwi. Ndi Li yanda muli ndime.”

³⁰⁴ “Ikuti na mwakkalilila muli Ndime, a Ijwi Lyangu lila kkalilila muli ndinywe, mpawo amulombe eco nco muyanda.” Musalali Johane 15. Tu lizi kuti obo mbwini. Amulange, “Ikuti na mwakkalilila,” kutali mukati aanze, a nze, pele, “ikuti na mwa kkalilila muli Ndime,” alimwi Walo ndi Ijwi, “elyo Lila kkalilila muli ndinywe, mpawo amulombe buyo eco nco muyanda nkabela ciyo pegwa kuli ndinywe. Muyo cijana.”

³⁰⁵ “Oyo utambula Majwi Angu, a kusyoma ali Nguwe waka Ndi tuma, wa kazwa kale ku lufu kuyaku Buumi.” Pele sa inga walitambula Ijwi, lutaanzi? Sa inga walitambula Ijwi, lyoonse Ijwi, lyoonse lya Kristo? Kristo ndi Ijwi linanikidwe. Walo ndi Ijwi, linanikidwe.

³⁰⁶ *Kristo* caamba “Umwi munanike,” Ijwi lya kananikwa lya buzuba obo, lya yubululwa, Mufutuli, Munununi. Nce cindi Na keelede kusika, alimwi Wa kali oyo Muntu unanikidwe kutola busena obo.

³⁰⁷ Lino walo Muuya Uusalala mu mazuba akumamanino, kumwesya Mimwini yaku mangolezya, kuboozya Lusyomo [Kabeela katakwecintu aa teepu—Mul.] olo lwaka lyataulwa, mu tubungwe; katapatila tubungwe a kujokela ku Lusyomo lutaanzi, a Lusyomo lutaanzi lwa Bbaibbele; i Bbaibbele litaanzi, kalisyoma Ijwi lyoonse lya Ndilyo, kutali ku li yungizya a kuli Ndilyo kwaamba *eci* a kwaamba *eco*. Ko Ca amba buyo nzila mbo Ca kaambwa, nkabela uyanda ku cisyoma mu nzila eyo.

³⁰⁸ Sa kuli umwi utana tambika maanza akwe, uyanda kunyamuna maanza abo, a kuti, “Leza, kondi yeeya”?

³⁰⁹ Leza aku longezye, omulindu. Leza aku longezye, mulindu muniini. Leza aku longezye, yebo. Ncibotu. Leza aku leleke, omuntu muniini. Leza aku leleke, mucizi wangu. “Ndila Mu yanda. Ndi...” Leza aku longezye, mucizi, kuya ku lulyo

Iwangu. A kukulongezya, kusule. “Ndi yanda . . .” Elyo Leza aku longeze, mwaalumi mukubusyi. Elyo yebo, mucizi, abusena awa. Yebo, mukwesu, ku lubazu olu lumbi, Mwami aku longeze. Leza aku longeze, kusule. “Kondi yeeya buyo, Mwami.”

³¹⁰ Lino amuyeeye, toli jatilili janza lyako kuli ndime; kuli Nguwe. Nkoonya kusule lyangu, eno, Mwami ula libona janza lyako. Nekubakuti Nda liimpya, Ula libona. Uli zyi moyo wako. Uli zyi kuduntaana kuya. Uli zyi bukanze bwako. Uli zyi obo moyo wako mbo ubede ku bukanze obo. Leza aku longeze, mukwesu.

³¹¹ Muntu umwi umbi, “Ndi yanda kusyoma Ijwi lyoonse.” Leza aku longeze. Ncibotu. Leza amu longeze. “Kondi gwasya, Mwami, ndi gwasye.” I Mwami ulabona maanza ako. Iiyi, munene. Nce ncico. “Kuli zintu ezyo Nze—Nze takonzyi kumvwisya. Nse—Nse yandi kuba sikutasyoma. Nekubakuti Nse bamvvisyi, Ndi yanda ku cisyoma, nekuba. Ndili libambilide kwaamba kuti, ‘Mwami Leza, mpaawa Mpendi. Ndi yanda kusyoma. Kogwasya kutasyoma kwangu, Mwami.’” Leza abe a ndinywe. Leza amu longeze. Maanza, manji manji ali nyamwidwe, alimwi aci nyamunwa.

³¹² Yebo wati, “Mukwesu Branham, sa eco cilagwasya?” Bikka janza lyako mujulu lomwe, a bukanze, ncobeni buluzi, a kuziba obo mbo limvwa kujatikizya ncico.

³¹³ Wa lungulula kuti kuli cintucimwi ciniini mu buumi bwako, yebo ulizi. Kuli cintucimwi ciniini, to yandi kuti cibe okuya, pele nko cili, nekuba. Ula libuzya mbo cikonzya kucitwa. “Elyo, Mwami, kasya kuti Ndibe Judasi. Kasya kuti Ndi tobele mu ii—mu mulumbe, ndiza buyo kusola kuyeeya kuti muntuumwi kuya kutondezegwa bulubizyi buniini. O Leza, kutali ndime. Andi kkale ncobeni a Ijwi Lyako. Mwabona? Na ndiza inga Nda ba sikutasyoma oyo uyeeya buyo mu buteteete, ‘Ee, ikuti—ikuti . . . ee, nkaambonzi bamwi babo ncoba taambi boobo?’ Mwabona? Nse—Nse yandi kuba mbuli oyo umwi. Ndi yanda kuba musyomi. Ndila yanda. Nda libona Ijwi Iya Leza Iya oora. Nda bona Leza muli Ndilyo. Elyo, Mwami, ndibambe cibeela ca Ijwi eelyo. Kondi bamba kuba cibeela ca Ndilyo. Ndi yanda kuba cibeela ca Ndilyo.” I Mwami amu longeze.

³¹⁴ Lino atu kombe. Elyo muntu aumwi, kokombela—kuli lwako, nkabela Ndiyo kukombela. Sena mwakalizi, buzuba bumwi tuyo . . . ta tukabi antoomwe okuno, ndiza, kwa kaindi. Bamwi besu bayo tolwa, nkabela tatu kabi antoomwe. Kuli banji besu awa, awa, to bamwi tuya bucembaa. To bamwi, ta tuzi. Nobaba baniini balafwa. Tu lafwa ku bukkalo buli boonse. Twe elede kwandaanisigwa, alimwi cintu eci ceelede ku bambwa. Elyo to konzyi buyo kusika okuya mu cantenda, weelede kuboola kuciindi noli mu mizeezo yako iluzi.

315 Yebo wati, “Ee, Nke tana buyo kufwa, ikuti na Nda konzya ku Ci bona.” Peepe, uta citi eco. Inga akwalo tokkwene mu mizeezo yanu mpoonya awo. Inga wajaigwa kotana kusika ku muunzi, mu ntenda. Inga wafwa mu kulwanwa kwa moyo. Ta tuzi eco ciyo citika; cita Leza alikke ngu jisi eco. Nse syomi.

316 Ndi langilila bantu aanze, akwalo, kabajatilila maanza abo mu mpulungwido. Mwabona? Iiyi, Leza alongezye.

317 “Ndi—Ndi yanda—Ndi yanda kululama. Ndi—Ndi—Ndi yanda kuba kabotu.” Elyo lino atu cilulamike, lino, ndyoonya lino. Buyo, inga wa cibitamika ciindi cimwi; na kuzwa kungsi lya moyo wako, na uya kwaamba cakusinizya kuti, “Mwami Jesu, takukwe makani obo mbo cibede, na eco kufumbwa muntu umbi ncaamba, Ijwi Lyako liyooba lutaanzi mu buumi bwangu. Ndi yanda Ndilyo mu buumi bwangu. Uli Ijwi. I Bbaibbele lya kaamba boobo, alimwi Nda syoma kuti Bbaibbele ndi Ijwi lya Leza. Elyo Ndi lizyi tuyanza twabuzumini a buzumini bwabukombi bwak njizigwa muli Ndilyo, kacibamba kuba cikama cakuupaupa. Mwami, ndisalazye kuzwa ku zintu zili boobo mbuli ezyo, a kundi lekela kuba Wako cakumaninina. Nda tambika maanza angu kuli Nduwe. Nda nyamuna moyo wangu kuli Nduwe, jwi lyangu kuli Nduwe, mupailo wangu kuli Nduwe. Leza, koba siluse kuli ndime.”

318 Elyo maanza angu mujulu, alo, Mwami. Kondi salazya, O Mwami, kuzwa kukutasyoma koonse.

319 Nekubakuti Ta ndipa i—i Nguzu kweenda mbuli Enoki a kutafwa, pele kubweza buyo kweenda kwa masikati a kuya ku Muunzi a Nguwe; pele, Leza, Nda syoma kuti ciyo citika, nkaambo Ndi lizi kuti kuleelede kuba Kukwempwa mu buzuba bwa mamanino, alimwi mulimo weelede kugelwa.

320 Elyo, Taata, mbubonya kkalenda yesu mbo yaamba, myaka imbi ili theeti sikisi nkabela mulimo uya kumana, alimwi Uyo elela kuboola ciindicimwi muli ceeco nape takukabi muntu uyo futulwa. Elyo mpawo tula ambilwa, kwiinda kuli basayaansi a i—a bantu abo balingula zintu zili boobo, kuti tuli sumpukide ncobeni kwa myaka, minji minji kuzwa kuli ceeco, myaka minji atala alya; ku twaambila, kwiinda ku makkalenda, kuti tuli kulaale kutala kwiindilila ceeco; ndiza kuli buyo myaka ili kkumi ayosanwe na makumi obilo isyeede. Ta ndizi, Taata. Pele Ndi lizi, akwalo kweendelana ku kkalenda yesu, tu tandila kuba kokuya.

321 Nda bona awo aatakwe bulangizi buli boonse busyeede, Mwami. Kuli kuboola i . . . Ikuti na baya kusola kwaangulula ayo mabbomba ali umwi aumwi, Mwami, taku—aku kabi bbuwa lya nkondo. Bayo, bayo nyonyoonana. Elyo, Mwami, ala lengelela alya, elyo nekubaboobo Bbaibbele lyaamba kuti majulu a nyika yonse ziya kutentwa. Leza, Nda bona oora kalilibonya.

³²² Ndi yeeya kujaigwa kwa Muleli wacisi, elyo mpawo kubona muntu oyo uumbi mubi kanjila, kakutakwe kulekela muntu kuba a sunko, a kumudubula kunselelo, mu bujayi bwa lunya. O Leza, umwi ula mulandu mbuli umbi. Ta bakwe nguzu kucita ceeco. Bubi mu cisi cesu cini, bweelede kuba cisi ca Bunakristo, obo mukozyanyo mubi mbotubede, Mwami, wa Munakristo. Kotu jatila, Mwami, zibi zyesu.

³²³ Kotu gwasya, O Leza, kapati Mbungano Yako, balo baka bbizigwa mu Mubili oyo wa Kristo wamaseseke. Kwalo, “Walo Muuya uupononosya,” Wa kaamba. Elyo mbuli Mwana wa muntu mbwa katantila kujulu, mbubonya Mubili Wakwe uya kutanta kujulu. Elyo Walo ngo Mutwe; Mbungano Yakwe Mubili. O Leza, walo Mutwe ngu sololela Mubili. Lekela Bweendelezi bwa Ijwi busololele Mubili wa Kristo. Elyo akube kuti Ndibe cibeela ca Mubili oyo, Mwami.

³²⁴ Nda kombela aba banyamuna maanza abo, a boonse baliko a koonse oko kuli ku mateepu. Mwami Leza, Nda lomba cakusinizya. Ba njizye, Mwami. Yebo ulangide ku myoyo yabo. Uli bazyi na mbaani. Pele, mbuli mulanda Wako, Nda—Nda kakombelezeya bantu, Mwami. Nda—Nda bayanda. Nda bayanda.

³²⁵ Elyo Ndi—Ndi—Ndi soleka buyo kucita ceeci nkaambo Nda limvwa kutumwa Kwako nkwa ndime kucicita. Aboobo, Taata, Mpaawa mpendi, nke cita Nce konzya aco. . . Lekelela bulubizi bwangu bukompeme, Mwami. Nda komba kuti Uyo—Uyo ndipa nguzu, cakuti Njo konzya kucibamba antangalala maningi ku bantu.

³²⁶ Lino koba andiswe omuno mu cikombelo, sunumasiku. Langa ansi aali zeezi, Mwami, abo batambika maanza abo mu cikombelo. Kondi lingula, O Mwami, aku ndisoleka. Elyo ikuti na kuli cilubide cimwi muli ndime, kondi salazya, Taata. Ko cipa. Salazya mbungano eyi.

³²⁷ Kotu salazya toonse, Mwami, kuti Ijwi liyoba mu mubili wabuntu akati kesu a kuzibwa ku inyika mu buzuba obuno. Ko cipa, Taata. Nkambo, Nda tuula eci, a lwangu, alimwi cibalo eci, alimwi a nkamu eyi ya bantu, a Ijwi Lyako a cisyomezyo Cako, ku lufutuko lwa buntu bwesu, mu Zina Iya Jesu Kristo. Ko cipa, Mwami.

³²⁸ Akube kuti Nguzu zya Leza ziboole ali ndiswe a kutunanika, lweendo loonse kuzwa ku mweembezi kuya kuli sikulanga mayake, a muntu oonse oyo uuliko. Akube kuti Muuya Uusalala uboole a kubweza busena Bwawo mu moyo wesu, a kubweza cisyomezyo coonse ca Leza aku yubununa kuli ndiswe kuti Ijwi Lyako Mbwini. Kwiinda mu Zina Iya Jesu Nda komba.

³²⁹ Elyo kuciindi notu kotamikide mitwe yesu. “Nda konzya. . .” Yanda buyo sikulizya organi, ikuti na uyo cita, ku tupa bulile bwa nyimbo eyi, “Nda konzya kumvwa Mufutuli

wangu kaita. Oko Nkwa ndisololela Ndiyo tobela.” *Oko Nkwa Ndi Sololela Njo Tobela.*

. . . Mufutuli wangu kaita, (Ino Nguni? I Ijwi.)
Inga ndamvwa Mufutuli wangu kaita,
Nda konzya kumvwa Mufutuli wangu. . .

Lino kukaka tuyanza twanu a zintu.

Bweza ciingano cako a kutobela. . .

³³⁰ “Oyo uta katoli ciingano cakwe a ku Ndi tobela, Ijwi, taelelwi kuba sikwiiya Wangu.”

Oko Nkwa sololela. . . (Kujoka ku Bbaibbele,
oko Nkwa yo musololela.) . . . uyo tobela,
Oko Nkwa ndisololela Ndiyo tobela,
Oko Nkwa ndisololela Ndiyo tobela,
Njo. . . (Ikuti na ncaku ciziba, mu Zina
Lyakwe, ikuti na cili ku cipaililo, cigwisye
mause angu!) . . . lweendo lonse.

³³¹ [Mukwesu Branham wang’ung’una *Oko Nkwa Ndi sololela Njo Tobela*—Mul.]

. . . Walo kwiinda mu mbeta, (Nce ncico,
ndyoonya lino.)
Njo. . .

³³² Ino uli ku lubazu nzi? Ino ubona nzi mu kutondezegwa kwako mu Bbaibbele, ciboniboni ca Leza, ikuti na Nda betekwa lino kwiinda ku Ijwi?


Njo unka a. . .

³³³ “Njo unka a Ijwi, takukwe makani eco nco citolela. Ndiya kwiinda mu mbeta zya Leza. Ikuti na Nde elede kubweza bumwi bwa masena, kundibamba musyomi, moonya mucuindi ca Ijwi.”

. . . a Nguwe, a Nguwe lweendo loonse.

Nkambo oko Nkwa ndisololela Nda. . .

³³⁴ Lino amu ciyeeye, kabotu loko eno.

. . . Ula sololela. . . 

63-1124E Misyobo Yotatwe Ya Basyomi
Branham Tabernacle
Jeffersonville, Indiana U.S.A.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza caku jokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org